

內閣文庫	
番號	漢 2899
冊數	12 (1)
函號	303 145

雜家
十六卷



308-145

舉業真

珠淺船敘庫



禁書

學者不網羅舊聞流覽千

則無以蕩其猥鄙悠曼

之氣以自澤于大雅然苟

非因指識歸學古有獲而



書肆說鈴又未免積而不
化所貴博綜淹通之儒負
明初發胸無宿滯如見古
人于羹墻而與之研精渺
忽往復証擲述者之明功
配作者之聖幾憂憂乎難
之况當時孰浸滌墨妖筆
怪之秋謏聞奪席縱日剽
經史字句介葛盧詫為何
語童而習焉白首而不能

名一物詮一義者滔滔皆
是予聞嘗興思攷信以發
兒輩之蒙無如眼眯腹儉
片紙河山正使瘖不忘語
究竟長守其瘖為乙乙耳

黃叔闇素心慧業近古遠
俗居常隙影無虛肆力論
世經書鉤篋大費婆心讀
其詞考鐘伐鼓非僅選言
以炫博而窺其命志直欲

翼經鑄傳扶聖賢未洩之
藏觀乎菟討而浮遊之念
戢焉夫泛濫百家擄華擷
藻者蔑視經傳如敝帚即
逸才可以著代又逞逞睥

睥深造謂其力有弗逮故
詭于理以自匿精神每不
顧所安趺躄多盤試令之
肅穆淵渟而卑則闕囂高
亦狂慧各有一種野馬空

沫之色、伺其目腕靜對是
編、吾知免夫、迺徐繹之更
覺、其義類通而性命正者、
非偶然也、曾子固有云、力
學深思、以知其要識其微、

齋戒守之、以盡才成德、合
于天地者、又當得之于心、
想叔闇髯枯之日、假有一
途不謹、衆流未斷、抑烏能
以故紙之鑽研、接聖賢之

妙緒長使靈山一會儼然
未散如斯夫不可易哉夫
睹箕簋彝尊者輒欽往制
而鍛錫陶冶之賤有時乘
權用與不用異也用則行

不用則廢茲編出而聖賢
奧義如日中天叔闇既罷
于津梁學人必奉為著蔡
俯而慚仰而思深切著明
見之行事俾

家收經學之實效而吾儒
獲免鈴肆之訛經正則興
叔闇所以不辭鉤纂者意
在斯乎意在斯乎
武林張懋忠夢得父題

舉業真珠船定本

目錄

第一卷

紀傳全

第二卷

大學考

第三卷

中庸考_上

第四卷

中庸考 下

第五卷

上論考 一

第六卷

上論考 二

第七卷

上論考 三

第八卷

上論考 四

第九卷

上論考 五

第十卷

下論考 一

第十一卷

下論考 二

第十二卷

下論考 三

第十三卷

下論考 四

第十四卷

下論考 五

第十五卷

上孟考 上

第十六卷

上孟考 中

第十七卷

上孟考 下

第十八卷

下孟考 上

第十九卷

下孟考 中

第二十卷

下孟考 下

畢業真珠船定本目錄終

讀舉業真珠紀

冰楚黃焜以學力可開愚昧與迷惑
且教舉業去珠和熟讀以書致博識

國子祭酒林氏之子孫又滋

孟卷中

真珠船卷之一

紀傳目錄

帝堯紀

帝堯外紀

帝舜紀

帝舜外紀

夏禹紀

夏禹外紀

商湯紀

附錄新書

周文王紀

文王外紀


周武王紀

武王外紀

周公傳

嗣補外傳

皇 帝 王 譜 系



真珠船紀傳目錄終

純傳目錄

孔子傳

孔子外傳

曾子傳

曾子附考

子思傳

子思附考

孟子傳

孟子附考

道統傳授圖

皇帝王諸子卷之一

史記自黃帝至舜禹皆同姓而異其國號以章明德故

黃帝為有熊帝顓頊為高陽帝嚳為高辛帝堯為陶

唐帝舜為有虞帝禹為夏后而別姓姒氏契為商姓

子氏棄為周姓姬氏姓者所以統繫百世使不別也氏者所以別子孫之所出故世

本之言姓則在上言氏則在下也

愚按自禹以前行禪讓之事而人不疑者非獨爭端

未起亦以姓族未分故也然則五帝官天下其實家

天下者與西聖識

堯 舜 禹 湯 文武 周公

孔子 魯子 子思 孟子

道統傳授圖卷之一

按道統之傳，堯舜以至周公孔子，孟氏幾希之說，弗可易矣。孔子一貫之授，則魯子得聞，而子思聞道稍後于魯子焉。故又次之。孟子曰：予未得為孔子徒也。予私淑諸人也。則以孟子承子思，誰曰不宜愚序次道統。特列堯舜禹湯文武周孔魯思孟子紀傳，編成一卷，不入書章，蓋推溯源流，亦以尊崇四氏云。集中帝王為紀，四子為傳，有內外二篇。

真珠船卷之一

湘楚黃 焜西墅父軒

紀傳

帝堯紀

謚法翼善傳聖曰堯。白虎通曰：堯猶堯堯也。至高之貌。

帝堯姓伊祁

以母所居為姓

帝嚳之子，摯之弟，母陳豐氏

曰慶都，孕十有四月，高辛丁亥歲生堯於丹陵，名曰

放勳

放大也。至也。勳，功也。史臣贊堯之辭。孟子曰：摯以為堯號。史記以放勳重華皆為名謬也。

摯

立堯受封於陶，年五十改國於唐

合而稱之曰陶唐氏

摯以荒

淫而廢諸侯，尊堯為天子，都於平陽之安邑，以火德

五色尚白。命羲和敬順昊天，數法日月星辰，敬授

民時，分命羲仲，羲叔和仲，和叔掌四時，定閏法，信飭

百官，眾功皆興。十有二載，巡狩諸侯，西夏國名隰城

守，好貪求，於是伐而亡之，有苗不享，征而克之於丹

水之浦，命闕伯、長火居商丘，以祀大辰而火紀時命母、句氏作

離聲，一云母句作磬制五絃徽鼓，大唐之歌，命夔放山川谿

谷之音，以歌八風，作大章之樂，大章言堯德之章明也作五廟

立五府，以享先祖，而祀五帝，五十載，帝游於康衢，兒

童謠曰：立我蒸民，莫匪爾極，不識不知，順帝之則，時

惟堯民能
名此語萬
世歌頌無
加于此

皇甫謚云
堯有庶子
九人皆不
月

有老人擊壤而歌曰：吾日出而作，日入而息，鑿井而

飲，耕田而食，帝力何有於我哉！六十有一載，洪水懷

襄，九載功用不成，子丹朱不肖，堯求賢德，可以讓位，

羣臣咸舉舜，於是二女妻舜，九男事之，七十有二

載，納舜於泰山之麓，使之主祭，七十有三載，薦舜於

天，舜受終於文祖，堯始祖之廟八十載，禹告成功，八十有

一載，肇十有二州，封山濬川，封伯禹有夏，封四岳有

呂，加賜伯益，封契於商，封棄於邰，堯立七十年，得舜

二十年，而堯令舜攝政，堯辟位，堯知子丹朱之不肖，

史記敘事
兼議論法
忽地烟雲
文筆之妙

不足授天下。於是乃權授舜。授舜則天下得其利而
丹朱病。授丹朱則天下病而丹朱得其利。堯曰終不
以天下之病而利一人而卒授舜。以天下年百十七
歲。在位九十八年。葬穀林。

帝堯外紀

前紀事實此錄雜記子書之語

通鑑堯之為君也。其仁如天。其智如神。就之如日。望之

如雲。富而不驕。貴而不舒。黃收純衣。收冕名純。讀日綱。彤車

白馬。茅茨不剪。樸桷不斲。音難。形刻也。大輅不畫。

越席不緣。越草名。大羹不和。飯於土簋。飯於土銅。飲食皆土器。

金銀珠玉不飾。錦繡文綺不展。奇怪異物不視。玩

好之器不寶。淫泆之樂不聽。宮垣室屋不堊。色布衣

掩形。鹿裘禦寒。衣履不敝。盡不更為也。

說苑堯存心於天下。加志於窮民。一民饑曰我饑之也。

仁人之言
寔宜為君

一民寒曰我寒之也。一民有罪曰我陷之也。百姓戴
之如日月。親之如父母。仁昭而義立。德溥而化廣。故
不賞而民勸。不罰而民治。

封人善用
有餘

莊子堯觀華封華封人祝曰。使聖人富壽多男子。堯曰
辭。多男子則多懼。富多事。壽多辱。封人曰。天生萬民。
必授之職。多男子而授之職。何懼之有。富而使人分
之。何事之有。天下有道。與物皆昌。天下無道。脩德就
聞。何辱之有。

堯讓天下許由曰。日月出矣。而燭火不息。其于光也。

不亦難乎。時雨降矣。而猶浸灌。其于澤也。不亦勞乎。

夫子立而天下治。而我猶尸之。吾自視缺然。請致天

下。許由曰。子治天下。天下既已治矣。而我猶代子。吾

將為名乎。名者實之賓也。吾將為賓乎。鷦鷯巢於深

林。不過一枝。偃鼠飲河。不過滿腹。歸休乎君。子無所

用。天下為庖人。雖不治庖。尸祝不越樽俎。而代之矣。

符許由欲觀帝意。謂堯曰。生于華殿之上。面雙闕之

下。君之榮願。亦已足矣。夫堯曰。余坐華殿之上。森然

而松生於棟。余立櫺扉之內。霏然而雲。生于牖。雖面

如此意量
堯大于許
由矣

雙闕無異乎崔巍之冠蓬萊雖背牖郭無異乎迴巒之榮崑崙余安知其所以安榮

拾遺記帝堯在位聖德光洽四凶既除善人來服乃命

大禹疏山瀦澤無有妖災沈翔之類自相馴擾

述異記堯之為君一日十瑞官中芻化為禾鳳凰止於

庭神龍見於宮沼曆草生塔即莫莢也十五以前日

宮禽五色鳥化白神木生蓮蓬蒲生厨景星曜於天

甘露降於地

帝舜紀謚法仁聖盛明曰舜白虎通云舜猶舜舜也言能推信堯道而行之

史記帝舜曰有虞氏以嬪于虞也號重華言光合于堯也又曰舜日重瞳子

父瞽叟姓媯娶握登生舜於姚墟故姓姚或云舜母見大虹之

祥感而有孕而瞽叟盲握登早喪叟再娶而生象一女名叟

愛後妻子常欲殺舜舜事父及後母與弟日以篤欲

殺不可得即求常在側年二十以孝聞堯求賢遜位

四岳咸薦舜堯以二女妻之舜居媯汭內行爾謹舜

耕歷山歷山之人皆讓畔漁雷澤雷澤之人皆讓居

陶河濱河濱器皆不苦窳窳病也苦讀如鹽麤也一年而所居

莫謂處逆不幸非適安得以孝聞天之玉成在此

未能舉未
能去者堯
之時未可
以為先儒
曰堯非惡
大成也憂
其成之速
而或致夫
哭也堯非
惡天備也

虞其備之
物而反至
一缺也

成聚二年成邑三年成。都堯乃賜舜絺衣與琴為築
倉廩。予牛羊。瞽叟尚復欲殺之。有焚廩。凌井事。舜復
事瞽叟愛弟彌謹。於是堯乃試舜五典。百官皆治。昔
高陽氏有才子八人。世得其利。謂之八愷。愷和也高辛
氏有才子八人。世謂之八元。元善也此十六族者。世濟
其美。不墮其名。至於堯。堯未能舉舜。舉八愷。使主后
土。舉八元。使布五教於四方。帝鴻氏有不才子。帝鴻黃帝
掩義隱賊。好行凶惡。天下謂之渾沌。少皞氏有不
才子。毀信惡忠。崇飾惡言。天下謂之窮奇。顓頊氏有
不才子。不可教訓。不知話言。天下謂之檇杻。此三族
世憂之。至於堯。堯未能去縉雲氏。有不才子。貪於飲
食。冒於貨賄。天下謂之饕餮。天下惡之。比之三凶。舜
賓於四門。乃流四凶族。遷於四裔。以御魘魅。於是四
門辟。言無凶人也。舜入於大麓。烈風雷雨不迷。堯乃
知舜之足授天下。堯老。使舜攝行天子政。巡狩。舜得
舉用事二十年。而堯使攝政。攝政八年。而堯崩。堯崩
天下歸舜。歷三歲。然後踐天子位。都於蒲坂。以土承
火德。色尚赤。詢四岳。命九官。命禹為司空。棄為后稷。

上古天子
可以數出
而無擾者
以此

契為司徒、皋陶為士、垂為共工、益為虞、伯夷為秩宗、
 夔典樂、龍作納言、是為九官、咨十二牧、十二州養民之官三
 載考績、五載簡詔樂成、六載巡狩觀風、兵衛少而誅
 求寡國、用不匱、七載作大唐之歌、以美堯禪、九載三
 考黜陟幽明、三十有三載、咨禹征有苗、三旬苗民逆
 命、帝乃誕敷文德、舞干羽於兩階、七旬有苗格、
 舜年二十以孝聞、三十堯舉之、五十攝行天子事、年
 五十八堯崩、六十一踐位、後南巡狩崩於蒼梧之野、
 葬九疑、

帝舜外紀

史路 舜之為君也、上循堯道、下任眾賢、師紀后、拜蒲衣、

莊子齧缺嘗問於王倪四問而不知齧缺因躍而大
喜行以告蒲衣子蒲衣子曰而乃今知之乎有虞氏
不及秦氏而有虞氏其猶藏人以
要人亦得人矣而未始出于非人親善卷、學於務成

輶、漢藝文志有務成子十篇昭其名也昭之教舜曰
違天下之逆從天下之順天下不足取也避天下
之順從天下之逆立誹謗水、誹謗木華木也形如枯
棹大路交衢施焉或謂

之表木以表設旌諫鼓、以廣直言之路、訪不逮於總
章、王者之納諫即明堂也堯曰衢室舜
日總章有不逮則訪之、養國老於上庠、養庶老於

下庠、憲其行止、憲法貴德尚齒、藏金嶠巖之山、指珠

五湖之淵、俾下服度、於以杜淫邪而絕覬媚、作米廩以藏帝籍、立兩學以教國士、恭已南面、無為而治、彈五絃之琴、歌南風之詩、曰南風之薰兮、可以解吾民之愠兮、南風之時兮、可以阜吾民之財兮、是時地方五千里、至於荒服、出入日月、罔不俾率、四海承風、暢於異類、鳳翔麟感、鳥獸被德、

莊子卷婁 偃僕自者舜也、羊肉不慕蟻、蟻慕羊肉、羶也。
舜有羶行、百姓悅之、故三徙成都。

李固傳昔堯殂之後、舜仰慕三年、坐則見堯於墻、食則

親舜於羹。

賈子新言舜曰、吾盡吾敬、而以事吾上、故見為忠焉、吾盡吾敬、以接吾敵、故見為信焉、吾盡吾敬、以使吾下、故見為愛焉。

帝王只一
注敬

其為愛無...
 吾婦以封吾嬪妣具為計其吾盡吾嬪以封吾不封
 其為愛無...
 吾婦以封吾嬪妣具為計其吾盡吾嬪以封吾不封

世
 帝王只一

吾婦以封吾嬪妣具為計其吾盡吾嬪以封吾不封
 其為愛無...
 吾婦以封吾嬪妣具為計其吾盡吾嬪以封吾不封

夏禹紀

謚法受禪成功曰禹孔安國云古質帝王之號皆以名後代因其行追而為謚

史記夏禹姒姓名文命字高密一云禹所封國黃帝玄孫父曰

伯鯀封於崇伯初鯀納有莘氏之女曰志是為脩己

生禹於契道之石紐鄉帝王世紀云修己見流星貫昴夢接意感又吞神珠薏苡

胸析而長於西羌鯀治水無功被殛四岳咸舉禹為

司空禹為人敏給克勤其德不違其仁可親其言可

信聲為律身為度稱以出疊疊穆穆為綱為紀禹傷

先人父鯀功之不成受誅乃勞身焦思過家門不入

冠挂不顧履遺不躡功未及成愁然沉思見耕者五

耦而武過十室之邑則下以求秉德之士乃東巡登
 衡嶽血白馬以祭齊於黃帝岩嶽之下登宛委山發
 石得金簡玉書悟通水之理復返歸嶽乘四載以行
 巡行四瀆與益夔共謀所過名山大川土地里數使
 益疏而記之名曰山海經云禹三十未娶行至塗
 山今鳳陽府娶塗山氏之女曰嬌歷辛壬癸甲復行治水
 生子啓呱呱而泣禹弗子禹濟江黃龍負舟舟中
 人怖駭禹曰吾受命於天竭力以勞萬民生寄也歎
 歸也視龍猶蠃蜒顏色不變南到蒼梧見縛人拊而

泣之益曰斯人犯法泣之何也禹曰天下有道民不
 罹辜天下無道罪及善人吾為帝統治水土調民安
 居使得其所今乃禮法如此此吾德薄不能化民也
 故泣之悲舜崩禪位命禹後即位都安邑以金紀德
 東巡會諸侯於塗山號玉帛者萬國尋崩于會稽在
 位十八年百有六歲

大禹外紀

舜初分天下為十二州，禹復為九州，乃鑄九鼎以象九州。左傳云：夏之方有德也，鑄鼎象物，使民知神姦，不逢不若，用能協於上下，以承天休。禹子啓傳太康失國，其弟五人，述大禹之戒以作歌，其一曰：皇祖有訓，民可近，不可下，民惟邦本，本固邦寧。予視天下，愚夫愚婦，一能勝予，一人三失。言所失者多也。怨豈在明，不見是圖。予臨兆民，凜乎若朽索之馭六馬，為人上者，奈何不敬。其二曰：訓有之，內作色荒，外作禽荒。

甘酒嗜音峻。字雕墻有一於此。未或不亾其三。日惟
 彼陶唐。有此冀方。今失厥道。亂其絕綱。乃底滅亾。其
 四。曰。明明我祖。萬邦之君。有典有則。貽厥子孫。關石
 和鈞。石與鈞所以權者。關通和平也。王府則有。荒墜厥緒。覆宗絕祀。
 其五。曰。嗚呼曷歸。予懷之悲。萬姓仇予。予將疇依。鬱
 陶乎予心。顏厚有忸怩。弗慎厥德。雖悔可追。

莊堯治天下。伯成子高立為諸侯。堯授舜。舜授禹。伯
 成子高辭諸侯而耕。禹往見之。則耕在野。禹趨就下
 風立而問焉。曰。昔堯治天下。吾子立為諸侯。堯授舜。

舜授子。而子辭為諸侯而耕。敢問何也。子高曰。昔堯
 治天下。不賞而民勸。不怒而民畏。今子賞罰而民不
 仁。德自此衰。刑自此立。後世之亂自此始矣。子闔行
 邪。無落吾事。但俛乎耕而不顧。
 帝王世紀云。禹勞身設勤。不重徑尺之璧。愛寸之陰
 手足胼胝。世傳禹病偏枯。至今巫稱禹步。留青日
 札云。禹六月六日生。今以是日祭祀。

此...六月...今日...於...
 平...
 帝王...
 無...
 自...
 天...
 年...

湯紀 謚法除穢
去虐曰湯

史記 成湯名履一名天乙主癸之子契之後也契佐禹

治水有功封於商賜姓子氏數傳至主癸娶扶都氏

生湯 見白氣貫月 自契至湯八遷始居亳從先王居

契父帝譽居亳 意感而生湯 作帝誥為夏方伯得專征伐夏桀三

十有六祀葛伯不祀湯使伐之是時伊尹耕於有莘

之野湯使人以幣聘之五反然後從湯言素王及先

主之事 素王者太素上 湯進伊尹於桀桀不能用伊

尹醜夏復歸於亳入自北門遇女鳩女房 湯之二賢臣也 遂

作女鳩女房二編，桀殺直臣關隆逢，羣臣莫敢言。湯使人哭之，桀怒，囚湯於夏臺。已而得釋，湯出見野，張網四面，祝曰：自天下四方皆入吾網。湯曰：嘻，盡之矣。乃去其三面，祝曰：欲左者左，欲右者右，不用命者乃入吾網。諸侯聞之曰：湯德至矣。澤及禽獸，況於人乎。歸之者四十餘國。夏桀虐政淫荒，諸侯昆吾氏為亂，湯乃與師率諸侯，伊尹從湯，湯自把鉞以滅昆吾，遂伐桀。升自陟，作湯誓。桀敗於有娀之墟，奔於鳴條。夏師敗績，湯既勝夏，欲遷其社，不可，作夏社。湯既放桀，

曰：予恐來世以台為口實，仲虺乃作誥。既歸于亳，作湯誥。誕告萬方，是時三千諸侯大會湯，取天子之璽，置之於座，再拜從諸侯之位。曰：天下非一家之有也，惟有道者理之，惟有道者宜處之。湯三讓，諸侯皆推湯。然後湯即天子位，改正朔，以建丑為正月，改歲曰祀。水德，王色尚白，都於亳。

十有九祀大旱，至二十有一祀，發莊山之金，鑄幣賑民。二十有四祀，太史卜曰：當以人禱。湯曰：吾所請雨者為民也。若必以人禱，吾請自當。遂齋戒，剪髮斷爪。

鑄幣始于
此時原以
賑民後世
用以富國

禱於桑林之野。祝曰：無以予一人之不敏，傷民之命。以六事自責曰：政不節與？民失職與？宮室崇與？女謁盛與？苞苴行與？苞苴，餽遺之物。讒夫昌與？言未已，大雨方數千里，歲則大熟，天下驩洽，遂作桑林之樂，名曰大護。以立天之道，先陰後陽；立地之道，先柔後剛，作歸藏之易，以坤為首，又作諸器用之銘，以為儆戒。三十祀，湯崩，在十三祀，壽一百歲，葬于亳北之濟陰。

商 濬哲維商，長發其祥。殷人拾祭之樂歌，言有商王頌之君受命 洪水芒芒，禹敷下土方，外大國是疆，幅員

既長。方洪水芒芒之際，禹敷治下土之四方，以博大國為中國之疆境，而宇內之幅員由以廣大。 有娥方將，帝立子生商。斯時也有娥氏之國始大，故帝立其女之子曰契者，以為司徒而 玄王桓撥。契備武德，以為治 受小國是達，受大國是達。受小國而教之，化行於小國，受大國而教之，化行於大國矣。 率履不越，遂視既發。蓋由契能循乎倫理，而不過契，遂以視效于民，而奮發以應其教。 相土烈烈，海外有截。迨契之孫有相土，其武德烈烈，而獨盛，故薄海之鄉，截朕整齊。 帝命不違，至於湯齊。湯降不遲。商之先祖既皆有明德，以格天，是以天命未嘗違而去之，延至成湯之世，遂應天命之會。 聖敬日躋，昭格遲遲。上帝是祗。湯則而湯生當其時，聖敬日躋，昭格遲遲，上帝是祗，聖敬之德如日躋升，以至昭格于天者。 帝命式于九圍。帝故遲遲不息，一惟上帝之是敬焉。

遂命之作君作師。受小球大球。為下國綴旒。何天之
 以。為式于九州也。彼九圍小大之國有來朝者湯則受其所贊之玉而為下國所附屬猶旒之有綴旒狀此則天之休命而湯不競不練不剛不柔敷政優優良由湯之敷亦不過緩不太猛亦不太寬百祿是道所以荷天休惟優優狀而得中正之道
 所聚。受小共大共。為下國駿龐。何天之龍。九圍小大貢者湯則受其所共之貢而為下國所負荷猶駿龐之任載乎物也此則天之寵命而湯荷之矣
 秦其勇。不震不動。不戇不竦。良山湯秦其勇也仁以平人義以代罪亦不難竦而百祿是總故以天下而恐懼于已允乎若時雨之師
 百祿之所總。武王載旆。有虔秉鉞。如火烈烈。則莫我
 者不宜宜乎。

敢曷。武勇之湯既受天命遂恭行天討以征不義其無敵之威如火烈烈無敢有當其鋒而退之者
 苞有三蘖。莫遂莫達。九有九截。故一本之苞與旁生其惡達其志天下歸于一
 韋顧既伐。昆吾夏桀。觀其統而九有截狀歸商矣
 昔在中葉。有震且業。朕受命雖在于湯而佐命實資于尹昔在我商中葉之時正國勢震業
 允也天子。降於卿士。延至于湯允矣聖明之尹者以為
 實為阿衡。實左右商王。是湯固為受命之命之元勳也今之裕祭以之配享宜哉
 湯曰。學聖王之道者。譬其如日。靜思而獨居。譬其

如火。夫舍學聖之道。而靜居獨思。譬其若去日月之明。而就火之光于室也。故明主貴尚學道。而賤下獨思。湯曰。藥食嘗于甲。然後至于貴。藥言獻于貴。然後聞于甲。故使人味食。然後食者。其得味也。多使人味言。然後聞者。其得言也。少。故上之于言也。必自也。聽之。必自也。擇之。必自也。聚之。必自也。藏之。必自也。行之。

周文王紀

謚法經天 緯地曰文

史記 文王名昌。姓姬氏。始祖后稷。在陶唐虞夏之際。有令德。后稷卒。子不窋立。不窋末年。夏后氏政衰。去稷不務。不窋以失其官。而犇戎狄之間。不窋卒。子鞠立。鞠卒。子公劉立。公劉雖在戎狄之間。復脩后稷之業。周道之興。自此始。公劉卒。子慶節立。國于豳。慶節卒。子皇僕立。皇僕卒。子差弗立。差弗卒。子毀隃立。毀隃卒。子公非立。公非卒。子高圉立。高圉卒。子亞圉立。亞圉卒。子公叔祖類立。公叔祖類卒。子古公亶父立。古

王業州傳
只在法祖

公長子曰泰伯次虞仲少子季歷娶太任皆賢婦人
生昌有聖瑞泰伯虞仲知古公欲立季歷以傳昌乃
二人亡之荆蠻以讓季歷古公卒季歷立季歷卒子
昌立是為西伯遵后稷公劉之業則古公季歷之法
篤仁敬老慈幼禮賢晏朝不食以延四方之士於是
伯夷鬻熊之徒咸至太顛閎夭散宜生鬻子辛甲大
夫之徒皆往歸之殷帝乙二十七祀崩子辛立是為
紂紂不道滋甚醢九侯脯鄂侯西伯聞之竊嘆崇侯
虎知之以告紂且曰西伯昌與其長子發仲子曰皆

匹禍為福

陰行二字
描出艱貞
苦心

聖人三聖合謀君其慮之紂乃囚西伯於羗里西伯
在羗里演易之八卦為六十四卦闕天之徒求有莘
氏美女驪戎之文馬有熊九駟他奇怪物因嬖臣費
仲而獻之紂紂大悅曰此一物足以釋西伯矣况其
多乎乃赦西伯賜之弓矢斧鉞得專征伐日譖西伯
者崇侯虎也西伯乃獻洛西之地以請紂去炮烙之
刑紂許之西伯陰行善諸侯皆來決平於是虞芮之
人有獄不能決乃如周入界耕者皆讓畔民俗皆讓
長虞芮之人未見西伯皆慙相謂曰吾所爭周人所

耻何往為祗取辱耳遂還俱讓而去諸侯聞之曰西伯蓋受命之君又明年伐犬戎得呂尚又明年伐密須都於程又明年伐耆又明年伐邶又明年伐崇作豐邑徙都之於是歸者三千國三分天下奄有其二祖伊聞之懼以告紂紂曰不有天命乎是何能為西伯以服事殷終身不二在位五十年年九十七子發立伐商而有天下謚西伯曰文王

禮記文王為世子朝於王季日三鷄初鳴而衣服至於寢門外問內豎之御者曰今日安否何如內豎曰安

文王乃喜及比中又至亦如之及莫又至亦如之其有不安節則內豎以告文王文王色憂行不能止履王季復膳然後亦復初食上必在視寒暖之節食下問所膳命膳宰曰未有原原謂再復進也應曰諾然後退

頌於穆清廟周公既成洛邑而朝諸侯因率之以祀文王之樂歌肅雝顯相助祭者有顯相也皆肅敬而雝和濟濟多士秉文之德與祭者有濟濟多士也皆秉持文王和對越在天則見文王于天而以心之和敬者對越駿奔走在廟文王之主在廟也而此顯相多士則見文王于廟而以此心之和敬而駿奔不顯不承則見文王之德視夫西土怙冒之日猶故也豈不顯乎視夫左奉

璋之時猶故也。豈不承乎。無射于人斯。信乎盛德至善無有厭射于人心也。

維清緝熙。文王之典。此亦祭文王之詩。謂我嗣王所當清而明之。又緝而續之。使之

嘗熙朝不已者。肇禋迄用有成。故自始祀文王以至乃文王之典也。肇禋迄用有成。于今其間創業者用

是典以永清四海。守成者用是典以日靖四方。莫不有成績之可稽焉。維周之禎。是聖

所以肇文明而基至治。實為我周之禎祥也。

大雅。芄芃棫櫟。薪之楛。楛積之。此咏歌文王之德也。芃芃棫櫟其生之盛。則人

皆取之以濟濟辟王。左右趨之。濟濟辟王盛德著于容貌人皆趨向之

濟濟辟王。左右奉璋。半圭曰璋。辟王當奉祭之時。執圭瓚以裸尸于前。而諸臣之在

左右各奉璋瓚。奉璋峩峩。髦士攸宜。凡此奉璋者。裝峩然儀容之壯

盛一皆髦士之宜。下禮也。非親炙于辟王之德者乎。溲彼涇舟。烝徒楫之。况盛

師之時溲然而行之。涇舟則舟中之人無不楫之。周王于邁。六師及之。况盛

周王從事于征伐。則六師之衆皆追而及之。孰非競勸于辟王之德者乎。倬彼雲漢。為章

于天。文王亦何以得此于人哉。彼倬然大明之漢。則能為文章于天。周王壽考。遐不

作人。周王以盛德而享壽考。何不振作斯人乎。作人即髦士六師之人。追琢其章。金

玉其相。追琢則人工之巧。金玉則天成之質。勉勉我王。綱紀四方。况勉

王以盛德而運悠久之治化。其綱紀四方也不已。至乎

其勝矣十朝王之獻未平
周王于燕六朝又之
其勝矣十朝王之獻未平
周王于燕六朝又之
其勝矣十朝王之獻未平
周王于燕六朝又之
其勝矣十朝王之獻未平
周王于燕六朝又之
其勝矣十朝王之獻未平
周王于燕六朝又之

文王外紀

晉語胥臣曰昔者大任娠文王不變少濛于豕牢而得文王不加病焉文王在母不憂在傅弗勤處事弗煩事王不怒敬支二號而惠慈二蔡刑于太姒比于諸弟其卽位也詢于八虞而咨于二號度于閔天而謀于南宮訛于蔡原而訪于莘尹重之以周召畢榮億寧百神而柔和萬民是則文王非專教誨之力也文王伐崇至鳳黃墟鞮係解因自結太公望曰何為也王曰上君與處皆其師中皆其友下盡其使也

今皆先君之臣。故無可使也。

紂作桎梏數千，睨諸侯之不諂已者，杖而梏之。文王

桎梏于羑里，七年而後得免。及武王克殷既定，令殷

之民投桎梏而流之于河，民輸梏者以手撒之，弗敢

墜也。跪入之水，弗敢投也。曰：昔者文王常擁此愛患

文王猶敬其梏，况其法教乎。

西伯為池沼，見死人之骨，命吏瘞之。吏曰：此無主矣。

西伯曰：寡人固其主矣。以棺衾更葬之。天下聞之曰：

西伯澤及枯骨，况於人乎。

武王紀

禮記文王有疾武王不說冠帶而養文王一飯亦一飯文王再飯一再飯 武王名發，文王仲子也。文王娶太姒有賢德，生發

發娶呂尚女邑姜，又賢，總內政。發即位，太公望為師。

周公旦為輔，召公畢公之徒，左右王師。脩文王緒業。

九年，東觀兵盟津。孟為文王木主，載以居中軍，自稱

太子發，言奉文王以伐，不敢自專。遂興師渡河，白魚

躍入舟中。魚者鱗介之物，兵象也。白者殷家之正色，白魚入舟，是殷命歸周之兆。既渡，

有火自上復於下，至於王屋，流為烏。其色赤，其聲魄

王屋，王所居。屋烏有孝名。武王卒，父大是時，諸侯不

武王曰：西業故烏瑞臻赤者，乃周家之正色也。

方有九國
焉君王其
終撫諸文
王曰非也
古者謂年
齡齒亦齡
也我百爾
九十吾與
爾三焉文
王九十七
乃終武王
九十三乃
終

期而會孟津者八百諸侯皆曰紂可伐矣武王曰女
未知天命未可也乃還師歸居二年聞紂亂虐滋甚
殺王子比干囚箕子於是武王徧告諸侯曰殷有重
罪不可以不伐乃率戎車三百乘虎賁三千人甲士
四萬五千人以東伐紂十三年春二月戊午師渡孟
津乃在太誓告於衆庶厥明甲子昧爽武王朝至於
商郊牧野乃誓誓詳見周書誓已諸侯使師尚父致師致其
必戰紂師皆倒戈以迎武王商國百姓咸待於郊武
王馳之紂兵潰紂走返入登鹿臺之上衣其珠玉自

燔而死嬖妾妲己皆經自殺武王至紂所親射之三
發而後下車以黃鉞斬紂頭懸太白之旗以玄鉞斬
妲己頭懸小白之旗

韓詩外傳武王伐紂至于邢丘楯折爲三天雨三日不休

武王心懼召太公而問曰意者紂未可伐乎太公對
曰不然楯折爲三者軍當分爲三也天雨三日不休
欲灑吾兵也武王曰然何若矣太公曰愛其人及屋
上鳥惡其有人者憎其骨餘咸劉厥敵靡使有餘武
王曰於戲天下未定也周公趨而進曰不然使各度

其宅而佃其田。無獲舊新。百姓有過。在予一人。武王
 曰。於戲。天下已定矣。乃行。克紂於牧之野。已乃命
 召公釋箕子之囚。命畢公表商容之廬。命南宮适散
 鹿臺之財。發鉅橋之粟。以賑貧民。命南宮伯達遷九
 鼎於洛水。命閔天封比干之墓。命宗祝享祀於軍。微
 子膠鬲皆委質為臣。殷人咸喜曰。王之於人也。死猶
 封。其墓。况生者乎。王之仁賢也。亡者猶表其廬。况存
 者乎。王之於財也。聚者猶散之。况肯復籍乎。王乃罷
 兵西歸。諸侯受命於周。尊武王為天子。王始改正朔。

以建子月為歲首。水德王。色尚青。服以冕。都於鎬。乃
 祀於周廟。追王太王。王季。文王。因定謚法。柴望大告
 武城。作樂曰大武。封諸侯。班賜宗彝。宗廟樽也作分殷之
 器物。追思先聖。乃褒封神農之後。於焦。黃帝之後。於
 祝。帝堯之後。於蓊。帝舜之後。於陳。大禹之後。於杞。於
 是封功臣謀士。而師尚父為首。封尚父於營丘。曰齊。
 封弟周公旦於曲阜。曰魯。封召公於燕。封康叔於衛。
 封紂子武庚祿父於殷。以守湯祀。使管叔蔡叔霍叔
 監殷。餘各以次受封。而姬姓之國。五十有三。十四



年庚辰，通道於九夷，八蠻，西夷，貢獒。犬高四尺，日獒能知人心，可使

捕 召公以為非所當受，作書以戒王，曰：「旅獒十九年。」

十有二月，王崩，年九十三，子誦踐位，葬王於京兆，長

安東社中。

大 明明在下，赫赫在上。言人有明明之德，則天有赫赫之命。 天難忱斯。

不易惟王。天命視德，以去留不可恃，以為信。君位以德為存亡，不可恃以為易。 天位殷

適，使不桀四方。彼紂居天位，復為殷嫡而傳世，及之統乃不能桀四方而有之。 摯仲

氏任，自彼殷商來嫁于周，曰嬪于京。我周之業基于文王，其生果何

所自哉？彼摯國之仲女，任其姓者，自彼殷商之侯國來嫁于周，以作配乎王季為京室之嬪。 乃及

王季惟德之行。惟此大任及我王季，皆一德之是行。 大任有身，生此文

王。故貞元所會和氣，所鍾大任于焉有身，乃生此文王焉。 維此文王，小心翼翼。

惟此文王，嚴恭寅畏，昭事上帝，聿懷多福。 此心光明，真可對越

而多福自此，而聿懷矣。 厥德不回，以受方國。此心光明，真可對越，上帝繇是精神，上通國於此而誕受矣。

天鑒在下，有命既集。我國之王業，武王成之，而武王之生，豈無所自哉？彼天之鑒照

實在於下，以我周世德之盛，足以膺曆數之傳，而假哉之命，既集于胤矣。 文王初載，天作

之合。然欲生聖嗣，以承是命，則聖配當先定也。 在洽

之陽，在渭之涘。在洽水之南，渭水之側，風氣攸萃之處焉。 文王加止，大邦

有子。當文王將婚之時，而大邦有子，以備君子之好逑也。 大邦有子，覲天之妹。

然大邦有子幽閑貞靜與天合德辟則天之妹也文定厥祥。文王于是卜云其吉而以納聘

之禮定親迎于渭。造舟為梁。既而親迎于渭造舟為橋以通往來

其光夫以聖人而得聖配豈不顯然有命自天。命此

文王于周之京夫聖配既得不繇是而生聖子耶彼有命自天既命文王于周之京以開

王業纘女維莘。長子維行。而克纘太任之女事者維此莘國以其長女太姒來

嫁于篤生武王。天又為之篤厚我周使生我聰明之武王而以聖繼聖保祐命

爾燮伐大商于是保其身佑其行命之為殷商之旅。

其會如林武王伐商之事何如矢于牧野。予維侯與而皆陳于牧野之地惟我之上帝臨汝。無貳爾心師且

衆贊武王而決之曰上帝之命實去商而臨女女無貳爾心而有疑于衆寡之不敵焉牧野洋

洋檀車煌煌。駟騶彭彭以代商之事言之牧野之地洋洋廣大檀車則煌煌而鮮

明駟騶則彭彭而強盛士師之氣勢無不一而當百者也維師尚文。時維鷹揚。

涼彼武王維時官太師而號尚父者乃太公望也實司上將之權而奮鷹揚之勇于佐助我

武肆伐大商會朝清明會戰之日而穢濁盡除天下清明一代之王業于是乎成

矣周於皇武王無競惟烈。周公象武王之功大哉武王

頌於皇武王無競惟烈功烈之盛天下孰得而競之然果孰開之耶蓋繇信有文德

允文文王克開厥后之文王擴二分有二之基以開

后之嗣武受之。勝殷遏劉。耆定爾功。故我武王嗣而

統緒受之勝殷以除

暴止殺以安民故天下大定而成此功也

於鑠王師遵養時晦

此亦頌武王之詩武王始有鑠盛之師非不可成功也顧天命

人心之未盡絕商其時則尚晦也乃退自循養與時俱晦恪守乎臣節焉

時純熙矣是用

大介

及紂惡貫盈天人去商而歸周時既純光矣然後一着戎衣而天下大定焉武王順時以建大

業如

我龍受之躋躋王之造

故我后人不煩經營寵而受此躋躋然王者之

功載用有嗣實維爾公允師

然則將何所以嗣之哉亦惟武王酌時之事

是師

武王外紀

帝王世紀云商容及殷民觀周軍之入見畢公至殷

民曰是吾新君也容曰非也視其為人嚴乎將有急

色故君子臨事而懼見太公至民曰是吾新君也容

曰非也視其為人虎據而鷹揚當敵將衆威怒自倍

見利卽前不顧其後故君子臨衆果于進退周公至

民曰是吾新君也容曰非也視其爲人忻忻休休志

在除賊是非天子則周之相國也故聖人臨衆知之

見武王至民曰是吾新君也容曰然聖人爲海內討

賊見惡不怒見善不喜顏色相副是以知之

大戴禮

武王踐祚三日召士大夫而問焉曰惡有藏之

約行之行萬世可以為子孫常者乎師尚父陳丹書

王齋三日奉書而入東面而立師尚父西面道書之

言曰敬勝怠者吉怠勝敬者滅義勝欲者從欲勝義

者凶凡事不强則枉弗敬則不正枉者滅廢敬者萬

世藏之約行之行可以為子孫常者此言之謂也王

聞書之言惕若恐懼退而為戒書於席之四端及几

鑑盥盤楹杖帶履觴豆戶牖劍弓茅各為銘焉其席

前左端之銘曰安樂必敬前右端之銘曰無行可悔

後左端之銘曰一反一側亦不可以忘後右端之銘

曰所監不遠視邇所代几之銘曰皇皇惟敬口生詬

也詬言口能也戕口言口能也害口也鑑之銘曰見爾前慮爾後盥盤

之銘曰與其溺於人也寧溺於淵溺於淵猶可游也

溺於人不可救也楹之銘曰母曰胡殘其禍將然母

曰胡害其禍將大母曰胡傷其禍將長杖之銘曰惡

乎危於忿戇惡乎相忘於富貴帶之銘曰火滅脩容

慎戒必恭恭則壽履之銘曰慎之勞勞則富觴豆之

銘曰食自杖。食自杖。戒之僑。僑則逃。戶之銘曰夫名。難得而易失。無懃弗志。而曰我知之乎。無懃弗及。而曰我杖之乎。擾阻以泥之。若風將至。必先搖搖。雖有聖人。不能為謀也。牖之銘曰。隨天之時。以地之財。敬祀皇天。敬以先時。劍之銘曰。帶之以為服。動之行德。行德則興。倍德則崩。弓之銘曰。屈伸之義。廢興之行。無忘自過。予之銘曰。造矛造矛。少間弗恐。終身之羞。予一人所聞。以戒後世子孫。

周公傳

史記周公名旦。武王同母兄弟。且居其四。且為子孝。篤仁異於群子。文王世任以國事。邑之於周。故詩有周南之風。及武王即位。且輔翼武王。武王東征至孟津。公輔行伐紂。至牧野。公佐武王作牧誓。破殷入商宮。已殺紂。周公把大鉞。召公把小鉞。以夾武王。釁社。告紂之罪於天。已徧封功臣戚者。封公於少昊之墟。曲阜。是為魯公。公不就封。留佐武王。繼相成王。攝政。居冢宰。南面負扆。以朝成王。成王長。公還政。北面就臣。

位^{△音窮△敬}躬^也躬^也洛邑成公雷後治洛作洛誥成王既遷殷

頑民公以王命作多士蒞政則作無逸官政未次序

又作周官作立政召公告老而去公雷之作君奭制

禮作樂身致太平退老於豐病將歿曰必葬我成周

以明吾不敢離成王成王亦讓葬周公于畢從文王

以明子小子不敢臣周公也於是命魯得郊祭文王

^{書金}武王既喪管叔及其群弟乃流言于國曰公

將不利於孺子^{武王崩成王幼周公攝政商人因已疑之又管叔于周公為兄尤所覬覦}

^{故武庚管蔡流言于國以危懼成王而動搖周公也}周公迺告二公曰我之弗

辟我無以告我先王^{言我不避則于義有所不盡無以告先王于地下也}周公

居東二年則罪人斯得^{三年之後王始知}于後公乃

為詩以貽王名之曰鴟鴞王亦未敢誚公秋大熟未

獲天大雷電以風禾盡偃大木斯拔邦人大恐王與

大夫盡弁以啓金縢之書乃得周公所自以為功代

武王之說^{前年武王有疾周公冊祝願以身代納冊金縢匱中}王執書以泣曰

其勿穆卜昔公勤勞王家惟予冲人弗及知今天動

威以彰周公之德惟朕小子其新迎^{同親}我國家禮亦宜

之^{親迎公以歸于}王出郊天乃雨反風禾則盡起二

公命邦人凡大木所偃盡起而築之歲則大熟周

公居東之時東人喜得見之及將歸作詩留之

邠九戩之魚鱗魴九戩網也我觀之子衮衣繡裳見其人并見其

服鴻飛遵渚公歸無所公之歸也於女信處再宿日信言在

東不鴻飛遵陸公歸不復留相王室不復來也於女信宿是

以有衮衣兮無以我公歸兮無使我心悲兮幸其來而悲其

夫遼狼跋其胡額下載蹇其尾首尾不自如也公孫碩膚護

美不赤舄几几安重有常度狼蹇其尾載跋其胡公孫碩

膚德音不遐令聞不損善處流言之變

荀周公謂伯禽之傅曰吾語汝我文王之子武王之

弟今王之叔父吾於天下亦不賤矣吾所執贄而見

者十人還贄而見者三十人貌執之士禮貌相接百有餘

人欲言而請畢事者千有餘人欲其盡言於是吾僅得三

士焉以正吾身以定天下吾所以得三士者亡於十

人與三十人中乃在百人與千人之中故上士吾薄

為之貌下士吾厚為之貌戒之哉汝毋以魯國驕人

遼膚詳言
被謗詩人
之婉
一日狼喻
管蔡

意之歸于士吾與為之與無之若也其以魯國獨人
 人與三十人中以五百人與千人之中對士士吾與
 士吾與吾良以安夫不吾與以對三士吾與十
 人俗言而請畢率皆千亦翁人盡言然其吾與對三
 皆十人毀贊而貝皆三十人與對之士休對亦亦翁
 京今王之姓父吾與天不亦不與矣吾與對贊而貝
 國公請命食之對曰吾請也非文王之千五王之

孔子傳

史記 孔子名丘字仲尼其先宋人初微子封于宋傳
世家 第思衍號曰微仲至正考父生孔父嘉五世親盡別
 為公族以孔為氏至孔防叔生伯夏伯夏生叔梁紇
 娶施氏生九女而無子其妾生孟皮孟皮病足乃求
 婚於顏氏顏氏生三女其幼曰徵在顏父問三女曰
 陬大夫雖父祖為仕然其先聖王之裔今其人身長
 十尺武力絕倫吾甚貪之雖年長性嚴不足為疑三
 子孰能為之妻二女莫對徵在進曰從父所制將何

問焉。父曰：卽爾能矣。遂以妻之。徵在禱于尼丘之山。生孔子於魯平昌陬邑。而首上圻頂。

圻頂言頂上處也。故孔子質如

反因名曰丘。字仲尼。未生時有麒麟吐玉書于闕里。

其文曰：水精之子。繼衰周而爲素王。顏氏異之。以繡

紱繫麟之角。信宿而去。懷孕十一月生。誕生之夕。有

二龍繞室。五老降庭。五老者五星之精也。顏氏之孺

聞鈞天之樂。空中有聲云：天感生聖子。故降以和樂

之音。孔子生有異質。凡四十九表。反手注面。月角日

準。河目海口。龍額斗唇。昌顏均頤。輔喉駢齒。龍形龜

脊。虎掌胼脇。修肱參膺。巧頂山臍。林背翼臂。注頭阜

頰。堤眉地足。谷竅雷聲。澤腹修上。趨下末。僂耳後。面

如蒙。俱手垂過膝。耳垂珠庭。眉一十二采。目六十四

理。立如鳳峙。坐如龍蹲。手握天文。足履度字。望之如

仆。就之如升。視若營四海。躬履謙讓。胸有文曰：制。作

定世符。○孔子生三歲。父叔梁紇卒。葬于魯東防山。

六歲爲兒嬉。嘗陳俎豆。設禮容。十七歲魯大夫孟釐

子誠其嗣懿。子曰：孔丘年少好禮。其達者歟。吾卽沒

若必帥之。及釐子卒。懿子與其弟南宮敬叔往學禮。

靈音傳

升音堅焉。○十九歲娶宋開官氏，二十歲仕于魯，爲委吏，料量平，二十一歲爲乘田，養畜蕃息，是歲子鯉生，二十二歲始教于闕里，顏回之徒始受學焉，二十四歲母顏氏卒，孔子少孤，不知父墓，及母卒，殯之，五父之衢，陬人曼父之母誨孔子墓處，然後得合葬于防，二十六歲母喪既祥五日，彈琴而不成聲，十日而成笙歌，二十七歲郊子來朝，夫子見而問官，二十八歲見郊子而學禮，二十九歲聞師相善琴，往學焉，三十歲齊景公適魯，問孔子曰：昔秦穆公國小處僻，其霸何也？

孔子曰：秦國雖小，其志大，處雖僻，其政中，其舉也果，其謀也和，身舉五殺，爵之大夫，起纒綫之中，與語三日，授之以政，以此取之，雖王可也，其霸小矣，景公悅，三十一歲齊景公遣使來聘，遂適齊，三十二歲景公欲以廩丘之邑爲養，辭不受，謂弟子曰：吾聞之，君子當以功受賞，今吾言而君未行，乃先賜邑，其不知丘亦甚矣，三十四歲謂南宮敬叔曰：吾聞周有老聃，博古知今，通禮樂之原，明道德之歸，則吾師也，今將往矣，敬叔言于魯君，賜之車馬，侍御，與敬叔俱適周，見

想爾時孔子猶有聖人之色耶何聃戒之深也

老聃而問禮焉。老聃曰：子所言其人與骨皆已朽矣。獨其言在耳。且君子得時則駕，不得時則蓬蓽而行。吾聞之，良賈深藏若虛，君子盛德容貌若愚。去子之驕氣與多慾，態色與淫志，皆無益于子之身。吾之所告子者，若此而已。孔子謂弟子曰：鳥吾知其能飛，魚吾知其能游，獸吾知其能走，至于龍吾不知其乘風雲而上天，吾今見老子，其猶龍耶？又訪樂于萇弘，弘私謂劉文公曰：吾觀仲尼有聖人之表，河目而龍顏，黃帝之形貌也。修肱而龜背，長九尺六寸，湯之形體也。言必稱先王，躬履謙讓。洽聞彊記，博物不窮。其聖人之興者乎？孔子觀乎明堂，覩四門墉有堯舜桀紂之象，又有周公抱成王負扆，朝諸侯之圖。謂從者曰：夫明鏡所以察形，往古所以知今。人主不務襲迹于其所以安存而忽怠其所以危亡，是猶却走而欲求及前人也。豈不惑哉！又入后稷廟，有金人三緘其口而銘其背。顧謂弟子曰：小子識之，夫子自周返于魯而道益尊，弟子彌衆，遠方來受業者，蓋三千焉。三十

五歲，昭公出奔，孔子適齊，舍于外館。景公造焉，周使

適至言先王廟災公曰何王之廟孔子曰必釐王之廟俄頃果報釐王廟災三十七歲在齊聞韶三月不知肉味齊人稱之景公問政于孔子對曰君君臣臣父父子子他日又問政對曰政在節財景公悅將欲以尼谿田封孔子晏嬰止之孔子遂行返于魯四十二歲在魯季桓子穿井得土缶中若羊問仲尼云得狗仲尼云以丘所聞羊也丘聞之木石之怪夔罔蝮水之怪龍罔象土之怪羶羊四十四歲在魯時季氏亦僭於公室故夫子不仕退而修詩書禮樂四十六

歲在魯觀于魯桓公之廟見欹器四十七歲魯定公以為中都宰制為養生送死之節長幼異食強弱異任男女別途路無拾遺器不雕偽市不貳價為四寸之棺三寸之槨因丘陵為墳不封不樹行之一年而四方則之公曰學于此法以治魯國何如對曰雖天下可也何但魯國哉于是定公以為司空乃別五土之性而物各得其所生之宜五十歲公山弗狃以費畔季氏使人召孔子孔子循道彌久温温無所試欲往子路不悅然亦卒不行五十一歲為魯大司寇攝

視誅
尤奇
四凶

五者力足以亂天下
奸雄若除天下無事矣

鞞音卑

朝政七日而誅大夫少正卯于兩觀之下子貢進曰

夫正卯魯之聞人也今夫子為政而始誅之或者為

失乎夫子曰天下有大惡五而竊盜不與焉心逆而

險行僻而堅言偽而辨記醜而博順非而澤五者有

一于人則不免君子之誅而少正卯兼有之此乃人

奸雄者也不可以不除初孔子為魯司寇時國人謗

之曰麇裘而鞞麇鹿子也鞞刀鞘也麇裘指子所服鞞指子所佩投之無戾

投棄也鞞之麇裘投之無鄙既而政化盛行魯有販

戾過也鞞猶氏嘗朝飲羊以詐市人公慎氏妻淫一不制慎氏

奢侈踰法鬻六畜者飾偽以儲價及是時沈猶氏不

敢飲羊公慎氏出其妻慎潰氏越境而徙鬻牛羊者

不儲價賣羊羔者不加飾耕者讓畔行者逐路男尚

中正女尚柔順國人誦之曰衮衣章甫實獲我所章

甫衮衣惠我無私五十二歲齊大夫黎鉏言于景公

曰魯用孔子其勢危齊乃使使告魯為好會會於夾

谷魯定公且以乘車好往孔子攝相事曰臣聞有文

事者必有武備有武事者必有文備古者諸侯出疆

必具官以從請具左右司馬定公曰諾具左右司馬

會齊侯夾谷為壇位土皆三等以會遇之禮相見之禮

也簡畧揖讓而登獻酬之禮畢齊有司趨而進曰請奏

八聖作畧樽俎折衝此之謂也

真珠船

卷之一

三

四方之樂。景公曰諾。于是旌旄羽旆，矛戟劔撥，鼓噪而至。孔子趨而進，歷階而登，不盡一等。舉袂而言曰：吾兩君為好會，夷狄之樂，何為于此？請命有司。景公心忤，麾而去之。有頃，齊有司趨而進曰：請奏宮中之樂。景公曰諾。優倡侏儒，為戲而前。孔子趨而進，歷進而登，不盡一等。曰：匹夫而熒惑諸侯者，罪當誅。請命有司，有司加法焉。手足異處，景公懼而動，知義不若歸而大恐。景公告羣臣曰：魯以君子之道輔其君而為之，奈何有司對曰：君子有過則謝以質，小人過則謝以文。君若悼之，則謝以文。乃返所侵。

魯之鄆，汶陽龜陰之田，以謝過。五十四歲，孔子言于

定公曰：臣無藏甲，大夫無百雉之城。高六丈曰堵，三堵曰雉。今

三家過制，請損之，使仲由為季氏宰，墮三都。五十五歲，孔子相魯，齊人聞而懼，曰：孔子為政，必霸，霸則吾地近焉，我為之先，并矣。盍致地焉？犁鉏曰：請先嘗沮之，沮之而不可，則致地庸遲乎？齊遂致女樂，魯受之。三日不聽政，郊不致膳，俎于大夫，不稅冕而行。作猗蘭之操，適衛。王子子路妻兄顏濁鄒家，五十六歲在衛。衛靈公致粟六萬，居頃之，或讚孔子於靈公。靈公

繫云：謂其
各風以陰
以雨之子
于歸遠送
于野何從
蒼天不得

其所道遠九州無有定處世人暗蔽不知賢者年紀遊邁一身

使公孫余假一出一入謂以兵仗出入以脅夫子也孔子恐獲罪焉居十月去衛將適陳過匡顏刻為僕以其策指之曰昔吾入此由彼缺也謂昔與陽貨入匡所被攻缺破之處也匡人聞之以為魯之陽虎陽虎嘗暴匡人匡人于是遂止孔子弟子懼孔子曰文王既没文不在茲乎乃使從者為甯武子臣于衛然後得去去即過蒲月餘反乎衛王蘧伯玉家靈公夫人南子使人謂孔子曰四方之君子不辱欲與寡君為兄弟者必見寡小君寡小君願見孔子辭謝不得已而見之夫人在絺帷中孔子

音胤

入門北面稽首夫人自帷中再拜環珮玉聲璆然子路不悅有矢天厭之語居衛月餘靈公與夫人同車宦者雍渠參乘出使孔子為次乘招搖市過之招搖孔子醜之有未見好德如好色之嘆去衛適曹是歲魯定公卒又去曹適宋年表定公十三年孔子至衛十四年至陳哀公三年過宋與弟子習禮大樹下宋司馬桓魋欲殺孔子拔其樹孔子去弟子曰可以速矣子曰天生德于予桓魋其如予何遂適鄭與弟子相失孔子獨立郭東門鄭人或謂子貢曰東門有人其顙侶堯項類臯陶肩類子產自甯以

下不及禹三寸。纍纍若喪家之狗。子貢以實告，孔子欣然笑曰：「形狀末也，而似喪家之狗，然哉！遂至陳，主于司城貞子家。五十九歲，自陳過蒲，會公叔氏以蒲叛。蒲人止孔子，弟子有公良孺者，以私車五乘從孔子。其為人長賢有勇力，謂曰：「吾昔從夫子遇難于匡，今又遇難于此，命也夫！吾與夫子再懼難，寧闔而死。」闔甚疾，蒲人懼，謂孔子曰：「苟毋適衛，吾出子與之盟。」出孔子東門，孔子遂適衛。子貢曰：「盟可負耶？」孔子曰：「要盟也，神不聽。」衛靈公聞孔子來，喜郊迎，問曰：「蒲可

伐乎？」對曰：「可。」靈公曰：「吾大夫以為不可，今蒲衛之所

以待晉楚也。

蒲在衛西，故韓衛及楚從西向東伐，先在蒲後及衛。

以衛伐之，無

乃不可乎？孔子曰：「其男子有死之志，婦人有保西河

之志，吾所伐者，不過四五人。」

伐其與公叔同叛者。

靈公曰：「善，乃

不伐蒲。五十九歲在衛，靈公老，怠于政，不用孔子。孔

子喟然嘆曰：「苟有用我者，期月而已可也，三年有成。」

孔子行，佛肸為中牟宰，趙簡子攻范中行，伐中牟，佛

肸畔，使人召孔子，孔子欲往，子路不悅，已而竟不行。

將西見趙簡子，至于河，而聞竇鳴犢、舜華之死也，臨

河而嘆曰美哉水洋洋乎丘之不濟此命也夫子貢趨而進曰敢聞何謂也子曰竇鳴犢舜華晉國之賢大夫也趙簡子未得志之時須此兩人而後從政及其已得志殺之吾聞之刳胎殺夭則麒麟不至其郊竭澤涸漁則蛟龍不處其淵覆巢毀卵則鳳凰不翔其邑何也君子諱傷其類也夫鳥獸之于不義也尚知避之而况乎丘哉乃還息乎陬鄉作陬操以哀之

陬操琴曲名也

反乎衛主蘧伯玉家他日靈公問陳孔子對

以未學明日與孔子語見蜚鴈仰視之色不在孔子

可依鳳鳥不識珍寶

梟鳴於焉顧之慘焉

心悲升車命駕將適

晉都黃河洋洋悠悠

之魚臨津不濟還轅

息鄆傷子道窮哀彼

無辜朝翔于衛復我

舊廬從吾所好其樂

實宜

孔子遂行復如陳六十歲在陳夏桓釐廟災南宮敬叔抹火孔子在陳聞之曰災必于桓釐廟乎已而果然秋季桓子病謂其嗣康子曰我即死若必相魯相魯必召仲尼康子立欲召仲尼公之魚曰昔我先君用之不終終為諸侯笑今又用之不能終是再為諸侯笑康子曰則誰召而可曰必召再求于是使使召冉求冉求將行孔子曰魯人召求非小用之將大用之也是日孔子有歸與歸與之嘆六十一歲自陳如蔡六十二歲自蔡如葉葉公問政孔子曰政在來遠

附邇。既而反乎蔡。而有問津之語。六十三歲。吳伐陳。楚掾陳軍于城父。聞孔子在陳。蔡之間。楚使人聘孔子。孔子將往。拜禮。陳蔡大夫謀曰。孔子賢者。所譏刺。皆中諸侯之疾。用于楚。則陳蔡危矣。乃發徒役圍于野。不得行。絕糧。從者病。莫能興。孔子講誦絃歌不衰。于是使子貢至楚楚。昭王與師來迎。然後得免。時楚昭王渡江。有一物觸王舟。使使問孔子。孔子曰。此萍實也。萍水也。其甘如蜜。使曰。何以知之。子曰。吾昔之鄭。適乎陳之野。聞小兒謠曰。楚王渡江得萍實。大如斗。亦如日。剖而食之。甘如蜜。得無是乎。楚昭王將以書社地七百里封孔子。楚令尹子西曰。王之使使諸侯。有如子貢者乎。曰無有。王之輔相有如顏回者乎。曰無有。王之將率有如子路者乎。曰無有。王之官尹有如宰予者乎。曰無有。且楚之封封于周。號為子男五。十里。今孔丘述三王之法。明周召之業。王若用之。則楚安得世世堂堂。方數千里乎。夫文王在豐。武王在鎬。百里之君。卒王天下。今孔丘得據土壤。賢弟子為佐。非楚之福也。昭王乃止。于是孔子自楚反乎衛。六

報筆慈
晉淵
命

真珠船
卷之一
三

十四歲在衛、是時衛君輒父不得立、在外諸侯數以爲讓、而孔子弟子多仕于衛、衛君欲得孔子爲政、子路曰、衛君待子而爲政、子將奚先、子曰、必也正名乎、六十六歲、夫人开官氏卒、六十七歲、伯魚母死、期年而猶哭、孔子聞之曰、誰與、門人曰、鯉也、子曰、噫、其甚也、伯魚聞之、遂除之、六十八歲在衛、冉有爲季氏將帥、與齊戰于郎、克之、在哀公十一年季康子曰、子之于軍旅學之乎、性之乎、冉有曰、學之于孔子、康子曰、孔子何如人哉、對曰、用之有名、播之百姓、質諸鬼神而無憾、

求之至于此道、雖累千社、夫子不利也、康子曰、我欲召之可乎、對曰、欲召之、則毋以小人間之、斯可矣、季康子遂使公華、公賓、公林以幣迎孔子、孔子乃歸魯、作丘陵之歌曰、登彼丘陵、岌岌其阪、仁道在邇、求之若遠、遂迷不復、自嬰屯蹇、喟然四顧、題彼泰山、鬱鬱其高、梁甫四連、枳棘充路、陟之無緣、將伐無柯、患滋蔓延、惟以永歎、涕泪潺湲、然魯終不能用孔子、孔子亦不求仕、乃序書、傳禮、刪詩、正樂、晚而喜易、讀易、韋編三絕、修春秋、製孝經、以詩禮樂教弟子、蓋三千焉、

身通六藝者七十有二人、六十九歲子伯魚卒、七十歲在魯、哀公館焉、公自阼階、孔子賓階、升堂侍立、公命以席、問政、孔子對曰、政之急、莫大乎使民富且壽也、公曰、爲之奈何、對曰、省力役、薄富歛、則民富、崇禮教、遠罪疾、則民壽、公曰、寡人欲行夫子之言、恐吾國貧不能至也、對曰、詩云、愷悌君子、民之父母、未有子富而父母貧者、公曰、善、于是廢山澤之禁、弛關市之稅、以惠百姓、七十一歲魯哀公十四年春、狩大野、叔孫氏車子鉏商獲獸、車子微者也以爲不祥、棄之、使人告

孔子曰、有麇而角者何也、仲尼視之曰、麟也、取之曰、吾道窮矣、乃歌曰、唐虞世兮麟鳳遊、今非其時來何求、麟兮麟兮我心憂、歌畢、反袂拭面、涕淚沾襟、因史記作春秋、麟王者之瑞也、今出非其時、聖人所爲感也、絕筆于獲麟之一句者、所感而起、固所以爲終也上至隱公、下訖哀公十四年、舉十二公行事、莊閔僖文宣成襄昭定哀此十二公也據魯親周、言夫子修春秋以魯爲主、故曰據魯周雖微而親周王者以見天下之有宗主也繩之以文武之道、成一王之法、其文約其旨博、故吳楚之君自稱王、而春秋貶之曰、子踐土之會、實召周天子、而春秋諱之曰、天王狩于

河陽推此類以繩當世貶損之義後有王者舉而開之春秋之義行則天下亂臣賊子懼焉孔子在位聽訟文辭有可與人共者弗獨有也至于為春秋筆則筆削則削子夏之徒不能贊一辭七十二歲在魯七十三歲夫子病子貢請見夫子方負手曳杖逍遙于門歌曰泰山其頽乎梁木其壞乎哲人其萎乎既歌而入當戶而坐子貢聞之曰泰山其頽則吾將安仰梁木其壞哲人其萎則吾將安放也夫子殆將病也遂趨而入夫子曰賜爾來何遲也夏后氏殯于東階

之上則猶在阼也殷人殯于兩楹則與賓主夾之也

周人殯于西階之上則猶賓之也猶在阼猶賓之者孝子不忍死其親

殯之于此示猶在阼階以為主猶在西階以為賓也在兩楹間則是主與賓夾之故言與而不言猶也

而丘也殷人也予疇昔之夜夢坐奠于兩楹之間夫

明王不興天下其孰能宗予予殆將死也蓋寢七日

而沒魯哀公十六年四月乙丑即今之二月十八日

孔子卒葬于魯城北泗上哀公誄之曰旻天不弔善也

不憇遺一老憇且也一老謂孔子也俾屏子一人以在位熒熒

余在疚嗚呼哀哉尼父母自律弟子皆服心喪三年

子貢曰生不能用死而誄之非禮也稱一人非名也公其不沒

于魯乎
慈讀應

喪畢相訣而去則哭皆各盡哀或復留惟子貢廬于
塚上凡六年然後去弟子及魯人往從塚而家者百
有餘室因命曰孔里魯世世相傳以歲時奉祀其塚
而諸儒亦講禮鄉飲大射于塚上
周王不與天不其燕諸宗不干
而丘少類人少干謂昔之或夢坐奠于兩罍之間
或兩罍間限吳王與齊夾之或言與而不言
或文行此示辭亦謂謂以爲王辭亦西謂以爲齊也
或人奠于西謂之士限辭齊之士
或士限辭亦謂也或人奠于兩罍限與齊王夾之士

孔子外傳

家語 曾論表裏之書也凡可參互悉
附後考餘有散說取其語猶近經者

雜以旁識彙爲外紀未必皆
出遺言亦見似聖者而喜云

家語 孔子閒居曾子侍孔子曰參乎今之君子唯士與
大夫之言聞也至於君子之言者希於乎吾以王言
之其不出戶牖而化天下曾子下席而對曰敢問何
謂王者言孔子曰昔者明王內修七教外行三至七
教修然後可以守三至行然後可以征明王之道其
守也則必折衝乎千里之外其征也則必還師衽席
之上言安而無憂也曾子曰敢問何謂七教孔子曰上敬老

則下益孝。上尊齒則下益弟。上樂施則下益寬。上親賢則下擇友。上好德則下不隱。上惡貪則下耻爭。上廉讓則下耻節。此之謂七教。七教者治民之本也。政教定則本正矣。然後大夫忠而士信。民敦俗樸。男慤而女貞。六者教之致也。布諸天下四方而不窳。薄納也。諸尋常之室而不塞。等之以禮。立之以義。行之以順。則民之棄惡如湯之灌雪焉。夫布指知寸。布手知尺。舒肘知尋。斯不遠之則也。周制三百步為里。千步為井。三井而埒。封道日埒。埒三而矩。五十里而都。封百里而

有國。乃為穡積資聚焉。恤行者有無。是以蠻夷諸夏

莫不來賓。故曰無市而民不乏。無刑而民不亂。田獵

罽弋。非以盈宮室。為祭與養也。徵歛百姓。非以盈府庫也。

備人倫養君子。慘怛以補不足。禮節以損有餘。多信而寡貌。

其禮可守。其言可復。其跡可履。如饑而食。如渴而飲。

民之信之。如寒暑之必驗。故視遠若邇。非道邇也。見

明德也。是故兵革不動而威。用利不施而親。此之謂

明王之守。折衝千里之外者也。曾子曰。敢問何謂三

至。孔子曰。至禮不讓。而天下治。至賞不費。而天下士

真珠舟 卷之一
悅○至○樂○無○聲○而○天○下○民○和○古○者○明○王○必○盡○知○天○下○良○
士○之○名○既○知○其○名○又○知○其○實○然○後○因○天○下○之○爵○以○尊○
之○此○之○謂○至○禮○不○讓○而○天○下○治○因○天○下○之○祿○以○富○天○
下○之○士○此○之○謂○至○賞○不○費○而○天○下○之○士○悅○如○此○則○天○
下○之○名○譽○興○焉○此○之○謂○至○樂○無○聲○而○天○下○之○民○和○此○
三○者○咸○通○然○後○可○以○征○夫○明○王○之○所○征○必○道○之○所○廢○
者○也○是○故○誅○其○君○而○改○其○政○弔○其○民○而○不○奪○其○財○故○
明○王○之○政○猶○時○雨○之○降○行○施○彌○博○得○親○彌○衆○此○之○謂○
還○師○衽○席○之○上○

哀公問於孔子曰寡人欲論魯國之士與之爲治敢
問如何取之孔子對曰生今之世志古之道居今之
俗服古之服舍此而爲非者不亦鮮乎曰然則章甫
絢履紳帶搢笏者賢人也章甫冠名絢履頭之飾紳大帶搢插也笏所執以書
思對孔子曰不必然也丘之所言非此之謂也夫端
命者衣玄裳冕而乘軒者則志不在於食君端衣玄裳齋服也軒軒車
君辛斬衰菅菲菲菅喪草履名杖而歆粥者則志不
菜也在酒肉生今之世志古之道居今之俗服古之服謂
此類也言服其服則制其心也公曰善哉盡此而已乎孔子曰

人有五儀。有庸人。有士人。有君子。有賢人。有聖人。審此五者。則治道畢矣。公曰。寡人生于深宮之內。長於婦人之手。未嘗知哀。未嘗知憂。未嘗知勞。未嘗知懼。未嘗知危。恐不足以行五儀之教。若何。孔子對曰。君子入廟如右。若入太廟。登自阼階。仰視榑桷。俯察彫筵。其器皆存。而不覩其人。君以此思哀。則哀可知矣。昧爽夙興。正其衣冠。平旦視朝。慮其危難。一物失理。亂亾之端。君以此思憂。則憂可知矣。日出聽政。至于中寘。諸侯子孫。往來如賓。行禮揖讓。慎其威儀。君以此思勞。則勞可知矣。緬然長思。出于四門。出國四門之外。周章遠望。亾國之墟。必將有數焉。君以此思懼。則懼可知矣。夫君者。舟也。庶人者。水也。水所以載舟。亦所以覆舟。君以此思危。則危可知矣。君能明此五者。又留意于五儀之事。則政治何有失矣。

孔子之遊于農山。子路子貢顏淵侍側。孔子四望。喟然而嘆曰。於斯致思。無所不至矣。二三子各言爾志。吾將擇焉。子路進曰。由願得白羽若月。赤羽若日。鐘鼓之音。上震于天。旂旗纒紛。下蟠于地。由當一隊而

敵之必也。攘地千里。舉旗執馘。唯由能之。使二子者。從我焉。夫子曰。勇哉。子貢復進曰。賜願使齊楚合戰于澠。澠之野。兩壘相望。塵埃相接。挺刃交兵。賜著縞衣白冠。兵凶事故尚。陳說其間。推論利害。釋二國之患。惟賜能之。使二子者從我焉。夫子曰。辯哉。顏回退而不對。孔子曰。回來。汝豈獨無願乎。顏回對曰。文武之事。則二子者既言之矣。回何云焉。孔子曰。雖然。各言爾志也。對曰。回聞薰蕕不同器。而藏堯桀不共國。而治以其類異也。回願明王聖主輔相之。敷其五教。

道之以禮樂。使民城郭不修。溝池不越。鑄劍戟以爲農器。放牛馬於原藪。室家無離曠之思。千載無戰鬪之患。則由無所施其勇而賜無所施其辨矣。夫子凜然曰。美哉德也。子路抗手而問曰。夫子何選焉。孔子曰。不傷財。不害民。不繁詞。則顏氏之子有矣。孔子曰。季孫之賜我粟千鍾而交益親。季平子用孔子由委吏至司空下自南宮敬叔之乘我車也。而道加行。孔子欲而面觀周敬叔言于魯君。給孔子車馬。問禮于老子孔子歷觀郊廟自周而還弟子四方來學也故道雖貴。必有時而後重。有勢而後行。微夫二子之貺。

則丘之道。殆將廢矣。

孔子曰。王者有似乎春秋。

正其本而萬物皆正也。

文王以王季

為父。以太任為母。以太姒為妃。以武王周公為子。以

太顛閎夭為臣。其本美矣。武王正其身以正其國。正

其國以正天下。伐無道。刑有罪。一動而天下正。其事

成矣。春秋致其時。

致推極也。春秋以二始舉四時也。

而萬物皆及。王

者。致其道而萬民皆治。周公載已行化。而天下順之。

其誠至矣。

孔子將行。雨而無蓋。門人曰。商也有之。孔子曰。之為

賢凡事求之於已。

人也。甚愴於財。吾聞與人交。推其長者。違其短者。故能久也。

子貢問於孔子曰。歿者有知乎。將無知乎。子曰。吾欲

言歿之有知。將恐孝子順孫。妨生以送歿。吾欲言歿

之無知。將恐不孝之子。棄其親。不葬。賜欲知歿者有

知與無知。非今之急。後自知之。

魯國之法。有贖臣妾于諸侯者。皆取金於府。子貢贖

人於諸侯。而還其金。孔子聞之曰。賜失之矣。夫聖人

之舉事也。可以移風易俗。而教導可以施於百姓。非

中庸之道
在近人情

獨○適○身○之○行○也○今○魯○國○富○者○寡○而○貧○者○衆○贖○人○受○金○則○爲○不○廉○魯○人○不○復○贖○人○於○諸○侯○矣○

孔子觀於魯桓公之廟有欹器焉傾欹易覆之器夫子問於

守廟者曰此謂何器對曰此蓋爲宥坐之器宥與右同言可

置於座右也孔子曰吾聞宥坐之器虛則欹中則正滿則

覆明君以爲至誠故常置於座側顧謂弟子曰試注

水焉乃注之水中則正滿則覆夫子喟然嘆曰嗚呼

夫物惡有滿而不覆者哉子路進曰敢問持滿有道

乎孔子曰持滿之道挹而損之子路曰損之有道乎

孔子曰聰明睿智守之以愚功被天下守之以謙勇

力振世守之以怯富有四海守之以讓此所謂損之

又損之道也

孔子嘗自筮其卦得賁焉愀然有不平之狀子張進

曰師聞卜者得賁卦吉也而夫子之色有不平何也

孔子對曰以其離也在周易山下有火謂賁離下艮上爲賁

非正色之卦也夫質也黑白宜正焉今得賁非吾兆

也以其飾也吾聞丹漆不文白玉不珣何也質有餘不受

飾故也

楚恭王出遊，亡烏鵲之弓。良弓名左右請求之，王曰：已

之。令楚王失弓，楚人得之，又何求之？孔子聞之曰：惜

乎其不大也。不曰人遺弓，人得之而已，何必楚也。

孔子曰：去其鄉，事君而達，卒遇故人，曾無舊言。無素交之意

意吾鄙之。

魯公索氏將祭而亡其牲，孔子聞之曰：公索氏不及

二年將亡，後一年而亡，門人問曰：昔公索氏亡其祭

牲，而夫子曰：不及二年必亡，今過暮而亡，夫子何以

知其然？孔子曰：夫祭者，孝子所以自盡于其親，將祭

而亡其牲，則其餘所亡者多矣。若此而不亡，未之有

也。

哀公問曰：紳委章甫，有益于仁乎？孔子作色而對曰：

君胡然焉？衰蔭苴杖者，志不存乎樂，非耳弗聞，服使

然也。黼黻袞冕者，容不褻慢，非性矜莊，服使然也。介

冑執戈者，無退懦之氣，非體純猛，服使然也。且臣聞

之好肆，不守折而長者，不為市。言市弗能為廉也竊夫有益

與無益，君子所以知也。竊察也

孔子謂子路曰：見長者而不盡其辭，雖有風雨，吾不

聖人觀人
于小見大

乘車戴笠
之意

能入其門矣。故君子以其所能敬人。小人反是。魯人有獨處室者。隣之嫠婦亦獨處一室。夜暴風雨。至嫠婦之室。壞趨而托焉。魯人閉戶而不內。嫠婦自牖與之言。子何不仁而不納我乎。魯人曰。吾聞男女不六十不同居。今子幼。吾亦幼。是以不納爾也。婦人曰。子何不如栲下惠然。嫗不建門之女。以體覆之曰嫗。不建門名魯人曰。栲下惠則可。吾固不可。吾將以吾之不可。學栲下惠之可。孔子聞之曰。善哉。期於至善而不襲其為。可謂智乎。

孔子曰。小辨害義。小言破道。關雎興于鳥。而君子美之。取。其雌雄之有別。鹿鳴興于獸。而君子大之。取其得食而相呼。若以鳥獸之名嫌之。固不可行也。

孔子觀周。遂入太祖后稷之廟。堂右階之前。有金人焉。參緘其口。三重封其口而銘其背曰。古之慎言人也。戒

之哉。無多言。多言多敗。無多事。多事多患。安樂必戒。無行所悔。所悔之事不可復行勿謂何傷。其禍將長。勿謂何害。

其禍將大。勿謂不聞。神將伺人。焯焯不滅。炎炎若何。涓涓不壅。終為江河。綿綿不絕。或成網羅。毫末不札。

將尋斧柯誠能慎之福之根也。曰是何傷禍之門也。強梁者不得其死好勝者必遇其敵盜憎主人民怨其上。君子知天下之不可上也。故下之知衆人本不可先也。故後之。溫恭慎德使人慕之。執雌持下人莫踰之。人皆取彼我獨守此人皆惑之。我獨不徙。內藏我智不示人技。我雖尊高人弗我害。誰能如此。江海雖左長於百川以其卑也。天道無親而能下人戒之哉。孔子既讀斯文也。顧謂弟子曰。小子識之。此言實而中情而信。行身如此。豈以口過患哉。

孔子曰忠臣之諫君有五義焉。一曰譎諫。譎者詐也其辭納約

自牖之二曰戇諫。戇諫無文飾也三曰降諫。卑降其體所以諫也四曰

直諫。以直道而諫也五曰諷諫。借他事引援而諫唯度主以行之。吾

從其諷諫乎。諷諫則可遠罪避害者也

齊有一足之鳥飛集於公朝下至於殿前舒翅而跳

齊侯大怪之使使聘魯問孔子孔子曰此鳥名商羊

水祥也。商羊鳥名昔童兒有屈一脚振肩而跳且謠

曰天將大雨商羊鼓舞今齊有之其應至矣。急告民

趨治溝渠修隄防將有大水為災頃之大霖雨水溢

泛諸國傷害人民唯齊有備不敗景公曰聖人之言信而有徵矣

孔子在齊舍于外館景公造焉賓王之辭既接而左右白曰周使適至言先王廟災景公復問災何王之廟也孔子曰此必釐王之廟公曰何以知之孔子曰詩云皇皇上天其命不忒天之以善必報其德禍亦如之夫釐王變文武之制而作玄黃華麗之飾宮室崇峻輿馬奢侈而弗可振故天殃所宜加其廟焉以是占之為然公曰天何不殃其身而加罰其廟也孔

子曰蓋以文武故也若殃其身則文武之嗣無乃殄乎故當殃其廟以彰其過俄頃左右報曰所災者釐王之廟也景公驚起再拜曰善哉聖人之智過人遠矣

孔子讀易至于損益喟然而嘆子夏避席問曰夫子何歎焉孔子曰夫自損者必自益自益者必有以決之吾是以歎也子夏曰然則學者不可以已乎子曰非句道益之謂也所以自損者求益其道也道彌益而身彌損德愈

盛而心愈下也夫學者損其自多以虛受人故能成其滿博

哉。天道成而必變。凡持滿而能久者。未嘗有也。故曰。自賢者。天下之善言。不得聞于耳矣。昔堯居天下之位。猶允恭以持之。克讓以接下。是以千載而益盛。迄今而愈彰。夏桀昆吾。自滿而無極。亢意而不節。斬刈黎民如草芥焉。天下討之。如誅匹夫。是以千載而惡著。是非損益之徵與。子夏曰。商請志之。而終身奉行焉。

孔子遊于泰山。見榮聲期。或曰榮益期也。行乎郕之野。鹿裘

素琴瑟。孔子問曰。先生所以為樂者何也。期對曰。吾

妙在着貧
死好愚人
貪昧只是
不服貧死
耳

樂甚多而至者三。天生萬物。唯人為貴。吾既得為人。是一樂也。人以男為貴。吾既得為男。是二樂也。人生有不見日月。不免襁褓者。吾既以行年九十五矣。是三樂也。貧者士之常。死者人之終。處常得終。當何憂哉。孔子曰。善哉。能自寬者也。

孔子曰。回有君子之道四焉。強於行義。弱於受諫。休

於待祿。休休楊也。待宜為得。慎於治身。史鮒有君子之道三焉。

不仕而敬。上不祀而敬鬼。直已而曲於人。

孔子曰。吾死之後。則商也日益。賜也日損。曾子曰。何

謂也。子曰：商也好與賢已者處，賜也悅不若已者處，夫丹之所藏者赤，漆之所藏者黑，是以君子必慎其所與處焉。

孔子曰：巧而好度必攻，攻攻致也勇而好問必勝，智而好

謀必成，愚者反之，是以非其人告之弗聽，非其地樹

之弗生，得其人如聚砂而雨之，言易入也非其人如會鼙

而鼓之，夫處重擅龐，龐充實也 一作擅寵專事妬賢，愚者之情

也。位高則危，任重則崩，可立而待也。

吳伐越，墮會稽，獲巨骨一節，專車焉。吳子使來聘於

魯，且問之孔子，命使者曰：無以吾命也。賓既將事，乃

發幣于大夫，及孔子，孔子爵之。既徹俎而燕，客執骨

而問曰：敢問骨何如？為大。孔子曰：丘聞昔禹致群臣

於會稽之山，防風氏後至，禹殺而戮之，其骨專車焉。

此為大矣。客曰：敢問誰守神？言何以為所守之神孔子曰：山川

之靈，足以紀綱天下者，其守為神。社稷之守，為公侯

山川之祀，為諸侯，皆屬於五。禮曰：防風氏何守？孔子

曰：汪芒氏之君，守封嵎者也。汪芒國名 封嵎山名為漆姓，在虞

夏為防風氏，商為汪芒氏，於周為長翟氏，今日大人

客曰人長之極幾何孔子曰。焦僂氏長三尺。短之至也。長者不過十。類之極也。

孔子在陳。陳惠公賓之上館。時有隼鳥。集于陳侯之庭而死。楛矢貫之。石罫。其長尺有咫。惠公使人持隼。

如孔子館而問焉。孔子曰。隼之來遠矣。此肅慎氏之矢也。肅慎氏北夷也。昔武王克商。通道于九夷百蠻。使各以

其方賄來貢。而無忘職業。於是肅慎氏貢楛矢石罫。其長尺有咫。先王欲昭其令德之致遠物也。以示後

人。使永鑒焉。故銘其楛箭羽曰。肅慎氏貢楛矢以分

大姬配胡公而封諸陳。大姬武王女。胡公舜之後。古者分同姓以

珍玉。所以展親親也。分異姓以遠方之職貢。所以無

忘服也。服天子之事也。故分陳以肅慎氏貢焉。君若使有司

求諸故府。其可得也。公使人求得之。金牘如之。如孔子言。


郟子朝魯。魯人問曰。魯人叔孫昭子也。少昊氏以鳥名官

何也。少昊姓已名摯。黃帝子。玄囂以金德王。天下號金天氏。能修太昊法。故曰少昊。對曰。吾

祖也。我知之。昔黃帝以雲紀官。故為雲師。而雲名。春官。

青雲氏。夏官。緝雲氏。秋官。白雲氏。黑官。黑雲氏。中官。黃雲氏。炎帝以火。春官為大火。夏官為

鶉火。秋官為西火。冬官為白火。中官為中火。共工以水。太昊以龍。其義一



也。我高祖少昊摯之立也。鳳鳥適至，是以紀之於鳥。故為鳥師而鳥名。

鳳鳥氏歷正也。玄鳥氏司徒，睢鳩氏司馬，鳴鳩氏司空，爽鳩氏司寇，鵲鳩氏司事，上五鳩氏鳩民者也。鳩，聚也。言聚民而治之也。五雉氏為五工正。鷓雉，搏殖之工也。鷓雉，攻水之工也。翟雉，攻金之工也。翬雉，設色之工也。鶉雉，攻皮之工也。五雉者，利器用，正度量，夷民者也。夷，平也。九扈氏為九農正。春扈，鵠鵠，扈民耕者也。夏扈，竊玄，趣民芸者也。秋扈，竊藍，趣民收斂者也。冬扈，竊黃，趣民蓋藏者也。棘扈，竊丹，為巢驅鳥者也。桑扈，竊脂，為蠶驅雀者也。竊淺也。以鳥之色言，行扈，嗜嗜，為民晝驅鳥者也。宵扈，嘖嘖，為民夜驅獸者也。老扈，鷓鷃，趣民收麥者也。啁鷃，以鳥之聲言，扈，正也。九扈者，正民使無淫放者也。自顓頊以來，不能紀遠，乃紀于近，為民師而命以民事。

則不能故也。

其不能紀遠，以德不能致遠，瑞故也。

孔子聞之，遂見郟子。

而學焉。既而告人曰：吾聞之，天子失官，學在四夷，猶

信。

疾時之廢學也。郟子，東夷人。

孔子謂宰子曰：違山十里，螻蛄之聲，猶在于耳。故政

事莫如應之。

聽字疑闕，誤大抵使聞而改之之意。

一曰政惡諱也。

子貢問于孔子曰：賜既為人下矣，而未知為人下之

道，敢問之。子曰：為人下者，其猶土乎？掘之深則出。

泉汨渥樹，其壤則百穀滋焉。草木殖焉，禽獸育焉。生

則出焉，死則入焉。多其功而無其意，恢其志而無不

應一作聽

容爲人下者以此也。言當如地道也

宰我問于孔子曰、昔者吾聞諸榮伊曰、黃帝三百年、請問黃帝者、廼人也、抑非人也、何以能至三百年乎、孔子曰、吾聞黃帝少昊之子、曰軒轅、生而神靈、弱而能言、長聰明、作爲黼黻、命風後力牧、常先大鴻以治民、以順天地之紀、知幽明之故、達生死存亡之說、播時百穀、嘗味草木、仁厚及於鳥獸昆蟲、考日月星辰、勞耳目、勤心力、用水火財物、以生萬民、民賴其財、百年而死、民畏其神、百年而亡、民用其教、百年而移、故

曰黃帝三百年。

孔子曰、禮之所以象五行也、其義四制也。四制謂下之恩義節

權故喪禮有舉焉、有恩、有義、有節、有權、其恩厚者其

服重、故爲父母斬衰三年、以恩制者也、門內之治、恩

掩義。父母之喪三年不從政門外之治、義掩恩。服君之喪不敢私服資於

事父、以事君而敬同、貴貴尊尊、義之大也、故爲君亦

斬衰三年、以義制者也、三日而食、三月而沐、期而練

也冠毀、不滅性、不以死傷生、喪不過三年、齊衰不補、墳

墓不修、除服之日、鼓素琴。不祭飾也示民有終也、凡此以

節制者也。資於事父以事母而愛同。天無二日。國無二君。家無二尊。以一治之。故父在為母齊衰。菽者見無二尊也。百官備。百物具。不言而事行者。扶而起。此

子諸侯禮也

言而後事。紿讀而起。

此卿大夫士禮也

身自執事

行者面垢而已。此以權制者也。親始死。三日不怠。三月不懈。菽悲號。三年憂。哀之殺也。聖人因殺以制節也。

子貢觀於蜡。

蜡索也。歲十有二月。素群神而祀之也。

孔子曰。賜也樂乎。

對曰。一國之人皆若狂。

言醉亂也

賜未知其為樂也。孔子

曰。百日之勞。一日之樂。一日之澤。非爾所知也。張而

不弛。

解也。周禮作施。

文武弗能弛而不張。文武弗為一張一

弛。文武之道也。

子夏侍坐于孔子。曰。敢問詩云。愷悌君子。民之父母。何如斯可謂民之父母。孔子曰。夫民之父母。必達于禮樂之原。以致五至而行三無。以橫於天下。四方有敗。必先知之。此之謂民之父母。子夏曰。敢問何謂五至。孔子曰。志之所至。詩亦至焉。詩之所至。禮亦至焉。禮之所至。樂亦至焉。樂之所至。哀亦至焉。詩禮相成。

哀樂相生。志氣塞乎天地。行之充于四海。此之謂五
 至矣。子夏曰。敢問何謂三無。孔子曰。無聲之樂。無體
 之禮。無服之喪。此之謂三無。子夏曰。敢問三無。何詩
 近之。孔子曰。夙夜基命。宥密。無聲之樂也。周頌昊天有成命之

辭言文武夙夜恭勤以肇基天命務行寬靜之政而民以安寧則謂之無聲之樂也 威儀逮逮。

逮詩 不可選也。無體之禮也。邶風宿舟之辭 凡民有

喪。匍匐救之。無服之喪也。邶風舟之辭也言救人

其義猶有五起焉。子夏曰。何如。孔子曰。無聲之樂。氣

志不違。無體之禮。威儀遲遲。無服之喪。內恕孔悲。無

聲之樂。所願必從。無體之禮。上下和同。無服之喪。施

及萬邦。既然而又奉之以三無私。而勞天下。此之謂

五起。子夏曰。何謂三無私。孔子曰。天無私覆。地無私

載。日月無私照。天有四時。風雨霜露。無非教也。地載

神氣。風霆流形。庶物露生。無非教也。清明在躬。氣志

如神。者欲將至。有開必先。天降時雨。山川出雲。其在

詩曰。維嶽降神。生申及甫。維申及甫。為周之翰。此文

武之德也。三代之王也。必先其令聞。詩云。明明天子。

令聞不已。三代之德也。子夏蹶然而退。負牆而立曰。

弟子敢不志之

自是丈夫
語知此可
以論管仲

子路問于孔子曰由聞丈夫居世富貴不能有益於物處貧賤之中而不能屈節以求伸則不足以論乎人之域矣孔子曰君子之行已期于必達於已可以屈則屈可以伸則伸故屈節者可以有待求伸者所以及時是以雖受屈而不毀其節志大而不犯於義

衛孫桓子良夫侵齊遇敗焉與齊師會為齊所敗齊人乘之執

新築地名大夫仲叔于奚以其衆救桓子桓子乃免衛

人以邑賞仲叔于奚于奚辭請曲懸之樂禮天子宮懸四周諸

侯軒懸闕一面故謂之一曲也繁纓以朝繁馬飾大帶也纓當馬膺以索裙銜以黃金為飾膺

馬胸銜馬口勒也許之書在三官司徒書名司馬書服司空書勲也子路仕

衛見其故以訪孔子孔子曰惜也不如多與之邑惟

器與名不可以假人禮樂以器尊卑以名君之所司名以出信

信以守器器以藏禮禮以行義義以生利利以平民

政之大節也若以假人與人政也政亡則國家從之

不可止也

樊遲問於孔子曰鮑牽事齊君執政不撓可謂忠矣

而君刑之其為至闇乎孔子曰古之士者國有道則

盡忠以輔之。國無道則退身以避之。今鮑莊子食於
淫亂之朝。不量主之明暗。以受大刑。是智之不如蔡
也。蔡猶能衛其足。蔡傾葉隨日轉故曰能衛足

孔子之母既喪。將合葬焉。曰古者不祔葬。為不忍先
死者之復見也。詩云。死則同穴。自周公以來祔葬矣。
故衛人之祔也。離之。有以間焉。魯人之祔也。合之。美
夫。吾從魯。遂合葬于防。曰吾聞之。古墓而不墳。今丘
也。東西南北之人。不可以弗識也。吾見封之若堂者
矣。堂形四方而高者又見若防者矣。防上平旁殺南北長也又見覆夏

屋者矣。

夏屋旁廣而卑也

又見若斧形者矣。吾從斧者焉。

從其

於是封之崇四尺。孔子先反。虞門人後。雨甚。至墓
崩。修之而歸。孔子問焉。曰爾來何遲。對曰防墓崩。孔
子不應。三云。孔子泫然而流涕。曰吾聞之。古不修墓

古人凡事盡善不待脩也

莊子。孔子西藏書于周室。子路謀曰。由聞周之徵藏史。

有老聃者。免而歸居。夫子欲藏書。則試往因焉。孔子
曰善。往見老聃。而老聃不許。于是繙十二經以說老
聃。中其說曰。太謾。願因其要。孔子曰。要在仁義。老聃

曰請問仁義人之性耶。孔子曰：然。君子不仁則不成，不義則不生。仁義真人之性也。又將奚為矣。老聃曰：請問何為仁義。孔子曰：中心物愷，兼愛無私者，仁義之情也。老聃曰：噫，幾乎後言，夫兼愛不亦迂乎。無私焉，乃私也。夫子若欲使天下無失其牧乎。亦放德而行，循道而趨，已至矣。又何偈偈乎揭仁義，若擊鼓而求亡子焉。意夫子亂人之性也。

說苑子夏問仲尼曰：顏淵之為人也何若。曰：回之信賢于丘也。曰：子貢之為人也何若。曰：賜之敏賢于丘也。

曰：子路之為人也何若。曰：由之勇賢于丘也。曰：子張之為人也何若。曰：師之莊賢于丘也。于是子夏避席而問曰：然則四者何為事夫子。曰：吾語汝。回能信而不能反，賜能敏而不能屈，由能勇而不能怯，師能莊而不能同。兼此四子者，丘不為也。夫所謂至聖之事，必見進退之利，屈伸之用者也。

子孔叢文王有胥附奔走先後禦侮，謂之四隣。孟懿子

曰：夫子亦有四鄰乎。子曰：吾有四友焉。自吾得回，門人益親，是非胥附乎。自吾得賜，遠方之士日至，是非

奔走乎。自吾得師。前有光。後有輝。是非先後乎。自吾得由。惡言不至于耳。是非禦侮乎。

尚書大傳東郭子思問于子貢曰。夫子之門何其雜也。子

貢曰。夫隳括之旁。多枉木。良鑿之門。多疾人。砥礪之

旁。多頑鈍。夫子修道以俟天。來者不止。是以雜也。

列御寇孔子曰。凡人心險於山川。難於知天。天猶有春

秋冬。夏旦暮之期。人者厚貌深情。故君子遠使之而

觀其忠。近使之而觀其敬。煩使之而觀其能。卒同猝然

問焉。而觀其知。急與之期。而觀其信。委之以財。而觀

其仁。告之以危。而觀其節。醉之以酒。而觀其則。雜之

以處。而觀其色。九徵至。不肖人得矣。

孔子外傳

其言也。以武而歸其贈。以酒而歸其饋。其

曾子傳 名參字子與魯南武城人少孔子四十六歲性至孝孔子授之業作孝經
曾子曰。入其國也。言信於群臣。而雷可也。行忠於
卿大夫。則仕可也。澤施於百姓。則富可也。孔子曰。參
之言。此可謂善安身矣。

曾子耘瓜。誤斬其根。曾皙怒。建作大杖以擊其背。曾
子仆地而不知人。有頃乃甦。欣然而起。進于曾皙曰。
嚮也參得罪於大人。大人用力教參。得無疾乎。退而
就房。授琴而歌。令曾皙聞之。知其體康也。孔子聞之
而怒。告門弟子曰。參來勿內。曾參自以為無罪。使人

河當三省

真味沿

卷之一

六

聖而不可
知之謂神

請於孔子。子曰：女不聞乎？昔瞽叟有子曰舜，舜之事
瞽叟，欲使之未嘗不在於側，索而殺之，未嘗可得。小
挫則待過，大杖則逃走。故瞽叟不犯不父之罪，而舜
不失烝烝之孝。今參委身以待暴怒，殪而不避，既身
死而陷父於不義，其不孝孰大焉？曾參聞之曰：參罪
大矣，遂造孔子而謝過。

公明宣學於曾子，曾子曰：宣而居參之門，三年不學
何也？宣曰：安敢不學？宣見夫子居宮廷，親在叱咤之
聲，未嘗至於犬馬。宣說之學而未能，宣見夫子之應
賓客，恭儉而不懈惰，宣說之學而未能，宣見夫子之
居朝廷，嚴臨下而不毀傷，宣說之學而未能，曾子避
席謝之曰：參不及，宣其學而已。

說苑曾子衣敝衣以耕，魯君使人往致邑焉，曰：請以此
修衣。魯子不受，反復往，又不受。使者曰：先生非求於
人，人則獻之，奚為不受？曾子曰：吾聞之，受人者畏人，
予人者驕人。縱子有賜，不我驕也。我能勿畏乎？孔子
聞之曰：參之言足以全其節也。

檀弓曾子寢疾病，樂正子春坐於床下，曾元、曾申坐於

弟不待曰
其驕人也
常以浩浩
曾子之所
委可知已
大戴禮註
曾子齊聘
以相楚迎
以令尹晉
迎以上鄉
深應其命

足童子隅坐而執燭童子曰華而晄大夫之簣與子
 春日止止童子勿言曾子聞之瞿然曰斯季孫之賜也我
 未之能易也元起易簣曾元曰夫子之病革矣革急也
 不可以變也幸而至於旦請敬易之曾子曰爾之愛
 我也不如彼彼謂童子君子愛人也以德細人之愛人也
 以姑息吾何求哉吾得正而斃焉斯已矣舉扶而易
 之反席未安而沒其舉而易
 曾子每讀喪禮泣下沾襟曰往而不可返者親子欲
 賚而親不待是故雜牛而祭不如雞豚之逮親存也

曾子附攷

曾參後母遇參無恩供養不衰其妻蒸梨不熟因出
 之人曰非七出也參曰蒸梨小物耳而不用命况大
 事乎遂出之其子元請再娶曾子曰高宗以後妻殺
 孝已孝已事親一夜五起尹吉甫以後妻殺伯奇吾上不及高
 宗中不及吉甫庸能免於非乎遂終身不娶
國策曾子處費費人有與曾子同名參者而殺人人告
 曾子母曰曾參殺人曾子之母曰吾子不殺人織自
 若頃人又曰曾參殺人其母尚織自若頃之又

人告之曰。曾參殺人。其母懼投杼踰牆而走。夫以曾參之賢。與母之信也。而三人疑之。則慈母不能信也。
韓詩外傳 曾子曰。吾嘗仕為吏。祿不過鍾釜。尚猶欣欣而喜者。非以為多也。樂道養親也。親沒之後。吾嘗南遊於越。得尊官。堂高九仞。榱提三尺。轉轂百乘。然猶北向而泣者。非為賤也。悲不見吾親也。

琴操 曾子耕太山下。雨雪不得歸。思父母。作梁山操。

水經 曾子居曲阜。鷓鴣不入城郭。

天中記 曾參行孝。枯井湧泉。

宋景文公筆記云 曾子年七十。文學始就。乃能著書。孔子曰。

參也魯。蓋少時止以孝顯。未如晚節之該洽也。

董仲舒策 曾子曰。尊其所聞。則高明。行其所知。則光大。又

其言曰。君子愛日。及時而成。難者不避。易者不從。且

就業。夕自省。可謂守業。年三十四。十無藝矣。五十不

以善聞。則無聞矣。

荀子 曾子曰。視其庭。可以搏黍。惡能與我歌矣。
言思之不專也

其言曰吾子愛日如劫而如獲者不幾是者不幾且
曾子曰其視聞眼高即其視映眼光火又
蓋也蓋也劫土以表隰未收即贈之茲命也
宋景文公曾子年十文學欲效其指著書其子曰

子思子傳

名叔字子思孔鯉之子孔子孫也述
事孔子而受業于魯子嘗著書四十

九篇

子孔叢

子思年十六適宋宋大夫樂朔與之言學焉朔

曰尚書虞夏數四篇善也下此以訖於秦費效堯舜
之言耳殊不如也子思答曰事變有極政自當耳假
令周公堯舜更時異處其書同矣朔曰凡書之作欲
以喻民也簡易為上而乃故作難知之詞不亦繁乎
子思曰書之意兼復深奧訓詁成義古人所以為典
雅也昔魯委巷亦有似君之言者彼謂之曰道為知

者傳。苟非其人。道不貴矣。今君何似之甚也。樂朔不
悅而退曰。孺子辱吾。其徒曰。此雖以宗爲舊。然世有
讐焉。請攻之。遂圍子思。宋君聞之。駕而捽子思。子思
既免。曰。文王拘於羑里。作周易。尼父屈于陳蔡。作春
秋。吾困於宋。可無作乎。於是述父師之意。作中庸。
夫子闢居。喟然而歎。子思再拜請曰。意子孫不修。將
忝祖乎。美堯舜之道。恨不及乎。夫子曰。爾孺子安知
吾志。子思曰。伋於進膳。亟聞夫子之教。其父折薪。其
子弗克負荷。是謂不肖。伋每思之。所以大恐而不懈

也。夫子忻然歎曰。然乎。吾無憂也。世不廢業。其克昌
乎。

子思居於衛。緼袍而無表。三旬而九食。田子方聞之。
使人遺狐白之裘。恐其不受。因謂曰。吾假人。遂忘之。
吾與人也。如棄之。子思辭而不受。子方曰。子無之。何
故不受。子思曰。伋聞之。妄與。不如遺於溝壑。伋雖貧。
不忍以身爲溝壑。是以不敢受也。

子思謂子尚曰。學所以益才也。礪所以致刃也。吾嘗
幽處而深思。不若學之速。吾嘗跂而望。不若登高之

博見故順風而呼聲不加疾而聞者衆登高而招人
不加長而見者遠故魚乘於水鳥乘於風草木乘於
時雖有本性而加之以學則無惑矣。

子思反於魯謂子尚曰有可以爲公侯之尊而富貴
人衆不與焉者其惟志乎成其志者惟無欲乎夫錦
繡紛華所服不過溫體三牲大牢所食不過充腹知
以身取節者則知足矣苟知足則不累其志矣。

子思曰夫不取於人謂之富不辱於人謂之貴不取
不辱其於富貴庶矣哉。

魯人有公儀潛者砥節礪行樂道好古恬於榮利不
事諸侯子思與之友穆公因子思欲以爲相謂子思
曰公儀子必輔寡人三分魯國而與之一子思對曰
如公之言則公儀子愈所以不至也君若饑渴待賢
納用其謀雖蔬食飲水飯亦願在下風今徒以高官
厚祿釣餌君子無信用之意公儀子之智若魚鳥可
也。不然則彼將終身不躡乎君之庭矣臣又安得爲
君操竿下釣以蕩守節之士乎。

穆公謂子思曰縣子言子之爲善不欲人譽己信乎

遊情之語

子思對曰、非臣之情也。臣之修善、欲人知之。知之而譽臣、是臣之修善有勸也。此所願而不可得者也。若臣之修善而人莫知、莫知則必毀臣。是臣之為善而受毀也。此臣所不知而不可不避者也。若夫鷄鳴為善、孜孜以至於夜半、而曰不欲人知、恐人之譽已。臣以為斯人者、非虛則愚也。

子思附攷

子上之母死而不喪、門人問諸子思曰、昔者子之先君子喪出母乎、曰然、子之不使白也、喪之何也、子思曰、昔者吾先君子無所失道。言可隨時制宜道隆則從而隆、道污則從而污、汲則安能為伋也、妻者是為白也、母不為伋也、妻者是不為白也、母故孔氏之不喪出母、自子思始也。

子上名白子思之子雜所習、請於子思、子思曰、先人有訓焉、學必由聖、所以制其材也、厲必由砥、所以致其亦也。

故夫子之教必始于詩書而終於禮樂雜說不與焉。又何請。

子思言苟變於衛侯曰其材可將五百乘君曰吾知其材可將然變也嘗爲吏賦於民而食人二鷄子以故弗用也子思曰夫聖人之官人猶匠之用木也取其所長棄其所短故杞梓連抱而有數尺之朽良工不棄今君處戰國之世選爪牙之士而以二卵棄千城之將此不可使聞於鄰國也。

魯君問子思曰寡人之政何如對曰無非曰寡人不知其不肖亦望其如此也子思曰希旨容媚則君親之中正彌非則君疎之夫能使人富貴貧賤者君也在朝之士孰肯舍所以見親而取其所以見疎者乎是故競求射君之心而莫敢有非君之非者此臣所謂無非也君曰然乎。

此處有模糊之文字，似為後人批註或殘存之文，因字跡不清，難以辨識。

其材可將然受也。魯爲國試求其材而食人二鴉子。其材無非也。據曰：然乎。聖人必官人。德厚之用不也。其材無非也。據曰：然乎。聖人必官人。德厚之用不也。其材無非也。據曰：然乎。聖人必官人。德厚之用不也。

孟子傳

名軻字子輿魯公族孟孫之後故其母歸葬于魯世居于鄒爲鄉人

孟子父激公宜娶仇音氏。夢神人乘雲攀龍鳳自太山來將止於嶧。凝視久之。忽見片雲墜而寤。時間巷皆見五色雲覆孟氏居。而孟子生焉。三歲喪父母。有賢德。挾其子以居。始舍近墓。孟子之少也。嬉戲爲墓間事。踊躍築埋。孟母曰：此非所以居子也。遂徙舍學宮旁。其嬉戲乃設俎豆。揖讓進退。母曰：此真可以居子矣。遂居之。稍長就學而歸。母方績。問曰：學何所至矣。軻曰：自若也。母以刀斷織。軻懼問其故。母曰：子之

習移賢者不免故君子慎所游

警惕之語
後生當三
覆之

廢學。若吾斷斯織矣。夫君子學以立名。問以廣知。是以居則安寧。動則遠害。今而廢之。是不免于厮役。而無以離於禍患也。何以異於織績而食。中道廢而不為。寧能衣其夫子。而長不乏食哉。軻懼旦夕勤學不息。

孟子請見子思。子思見之。甚悅其志。命子上侍坐焉。禮敬甚崇。既退。子上請曰。白聞士無介不見。女無媒不嫁。孟孺子無介而見。大人悅而敬之。敢問。子思曰。然。吾昔從夫子於鄉。遇程子於途。傾蓋而語。終日而

別。命子路將束帛贈焉。以其道同於君子也。今孟子言稱堯舜。性樂仁義。世所希有也。事之猶可。况加敬乎。

孟軻問子思曰。堯舜文武之道。可為而致乎。子思曰。彼人也。我人也。稱其言。履其行。夜思之。晝行之。滋滋焉。汲汲焉。如農之赴時。商之趨利。惡有不至者乎。子思謂孟子曰。君子高其行。則人莫能階也。遠其志。則人莫能及也。禮接於人。人不敢慢。辭交於人。人不敢侮。其惟高遠乎。

孟子問子思牧民之道何先子思子曰先利之孟軻
 曰君子之教民者亦仁義而已何必曰利子思曰仁
 義者固所以利之也上不仁則下不得其所上不義
 則下樂為詐此為不利大矣故易曰利者義之和也
 又曰利用安身以崇德也此皆利之大者也
 孟子曰人皆知以食愈饑莫知以學愈愚夫學者崇
 名立身之本也儀狀齊等而飾貌者好賢性同倫而
 學問者智是故砥礪琢磨非金也而可以利金詩書
 辟立非我也而可以厲心

孟軻鄒人也受業子思之門人道既通游事齊宣
 王不能用適梁梁惠王不果所言則見以為迂遠而
 濶於事情當是之時秦用商君富國強兵楚魏用吳
 起戰勝弱敵齊威王宣王用孫子田忌之徒而諸侯
 東面朝齊天下方務於合從連衡以攻伐為賢而孟
 軻乃述唐虞三代之德是以所如者不合此豈有意
 阿世俗苟合而已哉持方枘欲內圓鑿其能入乎

孟子附攷

韓詩外傳

孟子說齊宣王而不悅。淳于髡侍。孟子曰。今日說公之君不悅意者。其未知善之爲善乎。淳于髡曰。夫子亦誠無善耳。昔者匏巴鼓瑟。而潛魚出聽。伯牙鼓琴。而六馬仰秣。魚馬猶知善之爲善。而况君人者也。孟子曰。夫震雷之起也。破竹折木。震驚天下。而不能使聾者卒有見。日月之明。徧照天下。而不能使盲者卒有見。今公之君若此也。淳于髡曰。不然。昔者揖封生高商。齊人好歌。杞梁之妻悲哭。而人稱咏。夫聲

無細而不聞。行無影而不形。夫子苟賢，居魯而國之削何也？孟子曰：不用賢，削何有也？吞舟之魚，不居潛澤。度量之士，不居汙世。夫執冬至必彫，吾亦時矣。

孟子既娶，將入私室，其嬪袒而在內，孟子不悅，遂去。不入，婦辭母而去，曰：妾聞夫婦之道，私室不與焉。今者妾竊情在室，夫子見妾而勃然不悅，是客妾也。嬪人之義，蓋不容宿，請歸父母。於是孟母召軻而謂之曰：夫禮將上堂，聲必揚，所以戒人也。將入戶，視必下。

恐見人之過也。今子不察于禮而責於人，不亦遠乎？

孟子遂留婦

荀子 孟子三見齊王，而不言事。門人曰：曷為三過齊王而不言事？孟子曰：我先攻其邪心。

孟子曰：夫有意而不至者有矣，未有無意而至者也。

清河頌引 孟軻曰：千載一聖，是旦暮也。

周定王三十七年四月二日生，赧王二十六年正月十五日卒，年八十四歲。墓在鄒縣四基山。生子名仲子。

孟子問脈

史記載孟子受業子思之門人以為親受業于子思非也。攷之孔子二十生伯魚伯魚先孔子五年卒孔子之卒敬王四十一年子思實為喪主四方來觀禮焉子思生年雖不可知然孔子之卒子思則既長矣孟子以顯王二十三年至魏赧王元年去齊其書論儀秦當是五年後事距孔子之卒百七十餘年孟子即耆艾何得及子思之門相為授受乎哉。孔叢子稱孟子師子思論牧民之道蓋倣之言不足為信

一卷終

六

